



陶菴集

十九

墓碣  
墓表

卷十五

~ 16  
2325  
19



238019  
和  
2325  
25-19

陶菴先生集卷三十七目錄

墓碣

統制使元公相墓碣

統制使元公德徽墓碣

統制使李公壽民墓碣


統制使閔公濟章墓碣

節度使鄭公德徽墓碣

贈判書金公萬壽墓碣

贈參議金公九壽墓碣

贈參議宋公大立墓碣



陶菴先生集卷三十七目錄

陶菴先生集卷三十一

贈承旨宋公諱墓碣

縣監鄭公宅周墓碣

縣監鄭公奎徵墓碣

府使元公始亨墓碣

府使吳公達海墓碣

僉使朴侯安義墓碣

郡守宋侯光材墓碣


陶菴先生集卷三十七

墓碣七

統制使元公墓碣

孝宗大王有尊攘大志儲養武臣元公相為內乘最承恩遇數召入推食食之上愛胡驄未及馴欲自馳騁公極陳垂堂戒後屢問馬馴未對如前一日御上林命公騎忽橫豎入松樹間幾危而免上歎曰爾愛我也賜酒以勞之公遇孝廟諱辰每蔬素涕泣終身不衰公字巨卿原州人上祖弘弼高麗知門下事我朝右正言晃生孝然判書四世而有司

陶菴先生集卷三十七墓碣



贈司僕正妣原  
議純輔爲曾祖祖士說典簿考翀 贈參判公 天啓  
州李氏僕正公命公後弟翕翕 贈參判公 天啓  
甲子十二月五日生六歲僕正公卒哭如成人丙子  
奉大夫人入江陵大美山能左右扶持以免於難戊  
子武科歷宣傳官都摠府都事經歷訓鍊院副正出  
爲龍川府使省賦革弊還副正其在太僕特賜貂帽  
以母病請告則賜藥物於便殿外且趣其來異數也  
丙申除竹山府使尋陞通政移晉州營將入爲內禁  
將又爲興海郡守善賑饑又畱心戎務錫表裏及馬  
仍畱一年還拜五衛將兼司僕將爲釜山僉使訓練

大將李公浣畱以自佐又爲永興寧邊陞拜全羅左  
水軍節度使褫拜宣傳官朝廷新陞所江防營選授  
公公至則竭心區畫屹成巨鎮又募民墾田于閑島  
以給軍需移江界還仍及瓜復爲春川 上面諭曰  
盡職如所江可也拜慶尙左兵馬節度使庚申由宣  
傳官爲濟州牧使擢拜京畿水使以微事被臺言下  
理尋昭釋用大臣金公壽恆言還授嘉善階差訓局  
中軍副總管拜統制使大治城池舸艦廣儲蓄爲陰  
雨備連爲南北兵使北俗獷悍公恩威并行廨舍戎  
器不日而新南北營至今稱帥臣廉白者必曰元公

元公戊辰同中樞兼捕盜大將翌年時事大變公意不樂求出得鐵原旋引疾歸原之稼亭里葺草居之鄉里携榼來過相對歡謔窮日夕不厭時或乘興而出歎段徜徉湖山之間有語及時事者輒慷慨流涕及病子弟欲還京就醫藥公不聽曰老死畎畝間足矣年七十卒賻弔如儀夫人安東金氏將仕郎暄女先公六年卒合窆于原州石隅坐艮之原二男長德徽統制使次德裕四婿都事權祐士人金一字參奉李相儼府使柳重碩側出德隣德齡女朴澄南鼎錫德齡僉使澄萬戶德徽以從弟之子命揆爲後公剛

毅有志節能善養親所後李夫人常曰何必自生子也居兩母喪哀毀踰制家貧無以爲祭則力穡自給鬻朝服以補之倣朱子家禮作祭式澡濯將事不以祁寒而或廢事兄以恭待宗黨以惠子姪不敢以情容見少時一名卿有妾女強公卜姓公終不肯非公事跡不及權門性惡奢侈終身一羊裘不修葺第宅或勸爲子孫計則曰吾欲遺之以清白耳當官嚴恪不饒權貴人莫敢干私所至有去後思公之在寧邊方伯閔文貞公維重褒其清約文貞吾外翁也余不及識公而今讀公狀其內行之篤雖讀書談道義者

未之或過晚年一退尤偉然後之尙論者孰不曰  
聖祖知臣也哉是宜銘銘曰

將門秉禮希聞昔九邑五閭愈著白白頭畎畝壯淚  
滴灞獵胡驢我心獲驪水湯湯鬱 陵柏於億年拱

此幽宅

統制使元公墓碣

肅宗丙戌七月三日平安兵使元公德徽卒于官年  
六十 上驚悼特命沿道護喪以歸葬于原州稼亭  
坐西之原公原州人字君美其先本朝文靖公孝然  
最著曾祖士說典簿祖翁 贈參判考相統制使妣

安東金氏父暄公幼而聰敏強記讀書未成名中辛  
亥武科除宣傳官兼備局郎筆翰如流由都摠府都  
事爲海南縣監痛繩猾吏以法竟坐罪尋叙守三水  
郡地瘠民貧至誠撫摩還通信使辟以自佐比還橐  
中如洗惟史記漢書數帙而已拜訓鍊副正乙丑擢  
晉州營將揀將士教之兵法入爲兼司僕將以禁衛  
千摠月試射多中 上褒嘉錫馬永宗新陞防營公  
爲僉使經理得宜以微青編配驪州統制公卒 上  
聞而矜之特宥還憂吉爲內禁將拜全羅左道水軍  
節度使城中火延燒六十餘戶公與材糧使各安堵

降者先生集卷三十一  
時大饑全活者衆遘瘴疾大臣惜其才白褫之陞慶  
尙左道兵馬節度使營中百須責軍卒爲弊久公至  
則革之別爲積貯以給其用軍情大悅歸後或設祠  
版每飯必祭辛巳擢京畿水使遷統制使先統制公  
嘗置千金于戰艦以備陰雨公又倍其數所莅閩鎮  
多先公舊踐往往有大碑雙豎云以病解歸拜副摠  
管捕盜大將者再臺臣論諸閩混及公公議爲稱冤  
旋出莅西營卒也飭子送終從簡約公重遲寡言居  
家謹喪祭友於兄弟篤於宗族爲政寬明所至得民  
心遠聲色於羣帥中獨然夫人宜寧南氏忠義衛得

老女有女士風舅閒居好飲別制小勺以進又或怡  
聲諫舅曰吾賢婦也後公九年年六十九卒而耐二  
女爲李箕朝郡守李挺高妻所後子曰命揆嘗走雪  
嶽下謁余文久而請愈懇遂爲之辭曰

善乎先統制之言吾欲以廉白遺汝耳公之將死亦  
曰勿累我嗟小子是謂無忝嗚呼可銘也已

統制使李公墓碣

歲辛丑凶逆猖獗金相國昌集李相國頤命諸公并  
罹酷禍統制使李公壽民素爲二公所識拔羣凶仇  
嫉之白地羅織拘繫且二年欲殺而不能得旌義在

降者先生集卷三十一  
南海中去京師數千里謫者鮮得還乃以處公公時  
年七十三居一年卒甲辰十一月十二日也申尚書  
鉉亦年八十餘同謫以詩哭之曰 先朝宿將初非  
罪絕域羈魂竟抱冤聞者悲之今 上元年乙巳大  
雪冤枉流竄者悉還申公渡海道卒公則不及知矣  
四月還葬于龍仁窟巖 命復爵祭賻如儀公字一  
卿其先青海伯之蘭爲我 太祖元勳子孫仍著籍  
青海傳累世同中樞麟奇號松溪高簡工詩筆爲士  
類所重清陰先生寶銘其墓是生明老 贈承旨承  
旨生僉正諱文柱於公爲祖考考諱詡宣傳官 贈

參判妣金溝李氏考曰俊生公以 崇禎辛卯生丙  
辰武科爲宣傳官者三訓鍊院主簿都摠府都事經  
歷出守高原樂安二郡長興府使辛巳擢羅州討捕  
使入爲羽林司僕將間爲南虞候病免用厭避律卽  
其地充軍重臣有白其實者得解除鐵山府使濟州  
牧使濟州未赴褫拜全羅左道水軍節度使秩滿還  
拜宣傳官由長湍防禦使拜全羅兵馬節度使陞三  
道統制使論者言其太驟旋仍舊又陞會寧府使不  
赴己亥以御營中軍進階嘉善轉禁軍別將兼都摠  
府副摠管復拜統制使公爲治剛明吏憚民懷所至



軍械皆一新御史巡撫御史屢褒聞在統營尤得士卒心臨遞禍焰燔天人重足金相國南遷過營下公出院門候之令褊裨護行又遍饋遠近謫者無遺或以禍福爲言則公笑曰七十翁復何所求爲善類獲罪吾所甘心旣而凶孽謂公曲護逆黨請遠配尋又以軍布三百同領送京中構罪下吏會鞫囚有與賊鏡通者陰受其嗾誣以訓練大將李弘述得統布以助成凶謀公遂移鞫廳初訓局以財力凋弊乞貸來公營其數爲三百之半公又折其半及其請蕩減也公申狀違覆且錄于營簿至是查實一如公爰辭

羣凶計敗公以是得不死而猶不免於竄仍憂憤以卒公資性和易無傷人害物之心不喜芬華被服如布素親疾用井華嘗冬夜躬汲又藝薪以適寒溫不使童僕代妹子失母育於家及長資其田宅窮族之不能嫁者嫁之其內行之篤如此仕宦久在通塞間人惜其屈公則退然老而進庸復值陽九卒與善類同其榮辱至死而不悔苟非中有所守惡能若是哉嗚呼偉哉夫人順興安氏通德郎斗極之女明淑有婦德 肅廟始喪家無男子能哭泣以時制服而服之人賢之後公五年年七十六卒而合祔一男二女

男檝女婿士人申思鼎兵使崔命柱檝及為申龜夏妻者側出也檝繼子慶章申婿繼子暉一女歸士人洪星漢崔婿一子褚檝請銘銘曰

在昔黨禍莫甚東京維時皇甫自謂豪英而恥不與不欲獨生公則何幸斯為光榮我作銘詩以表其榮

統制使閔公墓碣

公諱濟章字晦伯驪興人其先有文景公令謨文仁公漬顯于麗朝曾祖汝寬 贈執義祖聃齡 贈承旨考後慶營將 贈贊成世居光州妣咸陽朴氏公身長九尺力能挽五石弓 肅宗乙酉中武科未唱

名遭憂及吉除宣傳官庚寅 上試藝春塘臺公發

三矢皆中特調訓鍊院主簿移司憲府監察翼年隨

通信使之日本纜泊對馬島忽颶風作輜重一船將覆船中人啼呼乞命倭操七舵入救之見風濤掄擊

皆不知所之公奮身入海中手拽其船既及岸大呼而上之船劈土而入者幾及尾焉蠻人見者莫不驚

倒號曰將軍事聞 上大奇之 命隸別軍職比還

朝屢 召見問以其時事擊節歎曰丈夫事也遂加資令不次擢用由禁軍將為茂山府使以治行第一

陸嘉善秩滿還禁軍將出為所江防禦使大治戰具

陸者先生集卷三十一  
船艦一新以薄青下吏 上聞其疾錫藥物尋除大  
丘營將移全羅左水使褫爲內乘未及還拜濟州牧  
使 肅廟諱晉至公號慟若絕葬前食素常涕泣曰  
受 恩罔極何以爲報也壬寅忠清兵使大水暴至  
州人皆走避已而水益急官吏奔走登山公獨毅然  
曰吾一動足則一城皆魚矣上譙樓以大索及板木  
編作巨筏又以繩約矢而激射之使升屋者緣繩攀  
木者引筏得以不死清人至今頌其德瓜滿除副摠  
管復出爲全羅兵使乙巳授統制使有沮之者大臣  
白令仍舊翼年褫拜統禦使爲治一如所江嘗爲北

兵使會寧府使皆不赴戊申逆變別擇畿內守宰公  
得安城公時有疾即日單騎之任時方伯守令無一  
人討賊公至則起軍馳狀以聞 上歎其忠公又募  
人入賊中詢其情歸言賊分爲二枝一向竹山一向  
安城今日當至都巡撫吳命恆軍方向稷山公躍馬  
追及大軍請捨稷山而趨安城命恆不肯公指天爲  
誓又遣庶弟濟萬力爭之始改路賊至安城猝遇大  
軍皆駭散又遇于竹山悉平之論者謂公功爲最尋  
除黃海兵使公歎曰亂賊雖平餘憂尙大吾有死而  
已輿疾赴營以己酉六月七日卒年五十九 上震

隋書先生集卷三十一  
悼優恤其喪其九月歸葬於靈光某里亥向之原公  
善事父母及喪廬墓致哀又友于兄弟奉寡嫂恤孤  
姪曲有恩意志氣慷慨不爲一身計其爲清閭也羣  
小方得志欲探公意指謂之曰君之得時在何時耶  
公曰脫有警急手提長槍大劍以死報國此其時也  
其人憮然曰壯哉言也公之素所蓄積蓋如此公凡  
四娶全州崔氏南陽洪氏唐津韓氏德水李氏三夫  
人不育惟崔氏有三女尹裕緒李重協柳遇其婿也  
取宗人鎮岳子泰臣爲後泰臣有一子銘曰  
明陵季世聽輦思將公奮草萊百夫之防盪舟登岸

一驚蠻人 王曰嘻嘻予有虎臣公拜稽首臣敢不  
死 恩溪推食慟結禡蟻逆豎猖獗列郡風靡公時  
受 命血泣誓士介于畿湖隱若一敵心籌默運虜  
在吾目坐速大軍一鼓而平相乎將乎麟閣崢嶸夷  
考厥功莫與汝京詩歌兔置必本文王匪汝之績  
先后惟明有來千億視茲銘章

節度使鄭公墓碣

節度使鄭公德徵歸老于龍仁之楓溪余自流寓以  
來相去不遠雖文武殊途而以公圃隱家賢孫且有  
儒將風一往候之風骨清爽圖書齊整殊少塵俗氣

時黃花盛開公出一盆示之蓋取其晚節也公字聖由迎日人圃隱先生其十世祖也曾祖諱從善縣監贈執義祖諱侃 贈承旨考諱周翰營將勇略出倫夙負干城之望而性伉直不耦於世後 贈參判外祖綾城具旻公少業文旋投筆中庚申武科時年二十四除宣傳官序陞訓練院主簿轉判官公不肯隨俗見政官以是見忤出爲西生鎮僉使己巳 聖后遜位公大歸田里混迹漁樵戊寅出監鎮安縣褫還丁外憂執喪如禮比服闋仍畱養慈氏躬耕釣以供甘旨蓋公嘗路逢友人之以畿宰見星者心驚遂絕

離親宦遊之念云每日必親設枕席之具母欲梳頭則躬櫛之出入或遇美味必袖而獻之間有 除命皆辭褫又不赴人幕裨坐被編配母卒不復求仕人間之則曰親不在矣復誰爲榮是以絕跡城市殆十數年良菴李公稱以武弁中隱逸惟一赴羅州營將在官無大小必盡其心管下守宰或失體例雖名官不少饒假列邑皆敬憚之羅素稱劇邑公久爲兼官剖決如流多有惠政羅人至今稱頌不衰嘗在湖幕用監賑勞陞嘉善辛丑爲同知中樞府事兼羽林衛將時凶人柳鳳輝疏出於國本既定之後館學諸生

將陳疏請討公令子孫往參明年除定州牧使赴官未數月城池器械噲然一新俄爲凶徒所劾褫又明年除驪州牧使以年限辭褫隸訓局時以金姓宮人事疏啓迭發至甲辰武臣亦承望時輩旨將聯名陳疏子纘述亦在軍門公謂義不可同參凶疏卽以拜墓請由主將不許遂決意下鄉纘述亦不與焉凶徒嫉之欲竄逐而不果 景廟新陟國勢憂虞公方任軍門涕泣謂同宗之爲僚者曰君亦勦力報國無忝我先祖也仍拔去鞮弓易之以強曰危疑之際戎備不可不勅乙巳改紀擢拜咸鏡南道節度使公日以

修葺武備爲事非雨雪則無日不習射以身先將士又嚴飭烽臺以戒不虞瓜遞差訓局別將又拜副摠管道聞時事猝變凶人李森爲主將卽謝病不出會擬試官三違 召坐罷森黨恚甚至請逮問盡奪其告身公又歸鄉里戊申春亂作蒼黃奔問參原從勳復除副摠管是冬出爲慶尙右道兵馬節度使歎曰吾年踰七旬今不盡職豈復有報國之日斷置私事專意於軍器公廨修繕之役惟日不足別築一庫盛爲儲胥以備緩急又號令嚴肅賞罰分明軍卒立碑思之公自是歸臥故里日以琴書自娛穿小塘於門

前優游忘世有詠懷一詩曰功名如脫屣歸田世念  
疎從此無所事臨淵弄游魚亦可見其暮年風致矣  
然爲國殉難之志老而不衰取軍裝置傍且立戰馬  
曰未死之前不幸有急則雖已篤老未能奮身擊賊  
寸寸奔赴於君所氣盡而死可也丙辰公年八十  
陞嘉義己未八月十一日卒于楓溪精舍壽八十三  
遺命襲用淡衣始葬于慕賢村愚山後八年移卜旺  
谷卯坐之原皆同縣地也貞夫人全州李氏先公十  
年歿葬而耐淑德懿行厥有幽誌公端重寡言笑平  
居夙興正衣冠未嘗頃刻疲臥甚嗜書簡策常不離

手晚年最好看禮書及朱子綱目時或乘輿鼓琴取  
古淡而已性至孝語及先父母則雖八耄之後愴然  
興哀淚緣白鬚人不忍見生日禁子弟不得設饌尤  
用力於追遠之事釐正祭禮之襲謬者一以先賢定  
論爲歸嘗於圃隱墓傍重新齋室又爲八世祖雪谷  
公改豎碑表以彰節義戒子孫以學問爲先母爲俗  
儒凡厥事行雖古讀書君子未或過之至於晚節尤  
卓然可觀其謂之圃隱家賢孫宜哉續述其長男統  
禦使出爲伯父後次續志二女婿尹燦李益謙續志  
男鑄續述繼子鍵鍵子翼濟聖濟尹在慶在度在厚

李基鼎二壻出也。繼志以鄉隣之好來請銘。銘曰：  
溪愛之孝恬退之節。雖在儒行尚少。匹敵矧伊。麤韃  
不亦奇事。甲冑干櫓。忠信仁義。一壑婆娑。蕭散圖書。  
彈琴馴鶴。拄杖觀魚。駒城東北。梧槽相望。仕雖殊塗。  
老則同鄉。黃花一盆。暮年兩心。圃翁遙遙。詩禮可尋。  
嗟哉後人。承受勿替。我銘厥美。用旃永世。

贈判書金公墓碣

在昔壬辰倭寇大入嶺湖。先潰宣廟。降諭諸路士  
民使之討賊。四方忠義之士奮起者衆。時則有若金  
公萬壽起兵於鳳山。公光山人身長九尺有餘。膽略

絕人有。弟三人。千壽百壽九壽俱以壯勇聞。公方失  
職家居。聞變痛哭曰。吾受國恩甚厚。曷敢不死。壯  
士應募者九百人。衆推公爲大將。千壽殿百壽九壽  
爲先鋒。星夜赴難。到長湍。與助防將劉克良合兵。臨  
津之戰。官軍大衄。百壽死之。公與二弟收散卒還本  
郡。募材勇積糧餉。爲再舉計。公之子光鈇年十九。勇  
冠三軍。以都摠都事護駕而西。假一節以來。徇沿  
海列邑。與公會時。賊兵充斥海西一道。淪爲賊藪。長  
吏皆解綬逸去。巡察使李鎰以公權差本郡。人心稍  
定。八月與諸郡兵合擊。大破之。上在龍灣初聞海



降者先生集卷三十一  
民皆從賊及公捷音至大喜 命學士李好閔製  
教書賜公義兵將號以獎忠義且除宣傳官公拜稽  
以受父子兄弟涕泣自誓時賊大軍在平壤賊酋一  
人領數萬兵阻洞仙嶺爲其聲援公軍在栗津上旣  
而賊兵來屯富車原公潛渡水擊破之一日三戰三  
捷賊懼不敢出光鍊乘夜斫營刺殺其大將賊死者  
無數又追餘賊敗之於古井村是日中丸死諸將皆  
弔於公公曰兒死得其所何用弔爲翌年春 天兵  
拔平壤公知賊東遁遣九壽等伏兵砥峴斬數十百  
人是秋賊退屯嶺南朝廷重南邊舉公爲珍島郡守

公散遣義兵各歸其鄉及赴官撫循軍民日夜繕聚  
統制使李舜臣軍閑山島義兵將金德齡軍光州公  
各助其兵糧輸餉不絕甲午遞歸方錄勳有嫉公者  
沮抑之置原從科識者嗟惜公母年九十公無意世  
事十年家食母卒毀極成疾甫外除以丁未二月九  
日卒年五十五葬于本郡禹岐山向午之原公字德  
老其先出新羅王子興光連八代平章事入本朝有  
諱南雨吏曹參判曾祖潤河察訪祖國梘慶源判官  
考大有訓鍊院判官妣樂安吳氏監察世勳之女公  
配居昌慎氏與公祔其考縣令邦祐光鍊旣死以干

陶菴先生集卷三十一  
壽之子光鐵爲嗣光鐵二男振南玠振南早歿玠三  
男世弘世雄世瑚德任世雄出德仁德基德普世瑚  
出公幼而嬉戲爲營陣狀及長讀書略通大義至古  
人殉節處爲之嗚咽尤好韜略往往抵掌談兵人莫  
能頡頏平居志節如此故當危難之際奮身草萊所  
樹立卓然可觀嗚呼偉哉公 萬曆十二年武科歷  
官司憲府監察掌隸院司評豐川府使云 宣廟特  
贈工曹判書光鈇下一階 肅廟戊子郡人又爲公  
立祠祀之余嘉公之忠據其狀而叙之銘曰  
屹屹金公萬夫之特遭難奮義爲國殫力一郡殘兵

屹若瀾柱公有令子有力如虎提戈躍馬漆齒褫魄  
俄以尸歸一軍雷哭公曰無弔死得厥所義烈彌彰  
公實賢父惜哉偉績湮沒無聞猶有可徵五峰之文  
我闡其幽詩以表墳

贈參議金公墓碣

萬曆壬辰 宣廟幸龍灣使詞臣草制獎八路義兵  
將其文有曰鳳山金萬壽等糾集義旅殺賊甚衆此  
輩忠義予甚嘉之後萬壽屢戰有功及卒 贈判書  
厥弟三人曰千壽曰百壽曰九壽同時起義討賊九  
壽卽公名也余旣爲判書公作樹墓之文矣公兄弟

陶菴先生集卷三十一  
勤勞義勇自當同傳茲不復詳而蓋公居戰陣中籌畫居多公之言曰兵法器械不利以其卒與敵也賊之長技在火砲非我弓矢所能當若以長槍大劍乘夜急攻可必勝也判書公從其計大鑄槍劍分給壯士以是賊大挫富車原之戰公先登陷陣斬賊酋一人一日天大雷雨夜黑公曰劉錡乘雷雨有順昌之捷今夜可以劫賊營矣果大捷其奇策類此亂定朝廷設軍功廳諸將或自言其功公獨不肯曰君臣猶父子子而救其父之急敢自言乎其不伐又如此公字忠老光山人新羅王子興光之後察訪潤河寒暄

門人慶源判官國梘訓練判官大有是公三代外祖樂安吳世勳監察公以嘉靖庚申生狀貌雄偉少讀兵法有智略又擢重試官訓練院僉正公之叔兄百壽姪子光鋏死於戰陣公心常隱痛無意於世歸老田廬戊午渡遼之役起公從軍中流矢輿還己未九月十八日卒葬于本郡禹岐山壬坐原肅廟朝特贈工曹參議鄉人又配于判書公祠公配潘南朴氏彥涵女男光鍊訓練院主簿女適尹時遇側出曰光銓光鍊五男玆瓖琬瑗進士嗚呼當國家搶攘之際高官重祿鮮或不爲全軀保妻子之計而公兄

弟以遐鄉韎韐之士人主不識爲何狀而俱能爲國盡節至死不貳金氏之門一何忠義之多也噫亦奇矣公後孫思集以狀乞文余掇其大略而系以銘銘曰  
往昔寇亂龍蛇之中公奮草莽一門羣雄裹瘡飲血百戰與同或生或死各殫厥忠然公有大大樹之風子赴父急敢自言功惟此一言可以觀公我昭厥美刻亦無窮

贈參議宋公墓碣

湖南古稱多忠義之士而其一門雙節則光山之高

興陽之宋是已然而世之人知高而不知宋此曷故焉竊嘗思之國俗重文而輕武光山南方大都會而文物彬彬可觀興陽僻在海隅不沾文教雖有節行之美誰得以傳述之此其地勢然也謹按宋氏出礪山而祖松禮松禮後七世有諱侃者受端宗命巡撫于南聞內禪棄官歸本鄉尋又自礪而入興陽子孫仍居焉大立其六世孫也字信伯少讀書通大義然侗儻多奇氣不肯爲拘儒時當倭亂搶攘人皆烏鼠竄而公獨奮然以死國爲心遂投筆中甲午武科薦授部將屢轉官至訓練院副正俄陞正蓋以軍功

也丁酉寇再窺公弟希立爲智島萬戶公則家居移書喻以大義與同赴李忠武公舜臣統制幕下將行奉母宣夫人託於同福守宋斗南斗南其族也統制素聞公名得之甚喜公殫心籌畫輔益弘多已而統制以湖堧爲憂與都元帥權公慄議所以協心防守仍薦公才略元帥以公爲倡義別將分據沿海之地公遂還興陽募壯士設柵于尖山蓋當東南要路倭舶之往來者輒以輕銳廝抄賊不敢近四境倚以爲重三月寇船犯寶城公率勇士亟往禦之一戰而殪數百賊遁去無何又犯本縣望諸浦公移兵薄之賊

登岸迎敵勢若蟻附公當前發矢皆應弦而倒又或壘中有九賊逸復單騎追及於尖山或劔斫之或腋挾之盡敵而還忽有伏兵千餘突至急如風雨公尺劔鏖戰左右揮霍爲之披靡自朝至晡氣益厲賊畏之不敢迫乃以砲丸中公脇公下馬北向再拜遂絕時四月八日也年僅四十八事聞 宣祖大王命贈兵曹參議及策宣武勳公又列於原從一等公娶晉州蘇氏萬戶琚女舉三男訥宣務郎謙郡守季曰諶崇禎丁丑以洪原縣監領中營兵截建虜歸路力戰死之歲亦丁而年亦四十八人皆異之 肅宗朝命

旌公父子曰忠臣之門國家崇報之典至是而無憾矣希立久在忠武公軍中立功官至本道左水使云公墓在縣北龜山向丙之原其玄孫廷岳來乞銘銘曰  
元帥幸州之捷蓋由天幸忠武閑島之戰坐鎮南屏以公雄勇遨遊兩間不能與同其功而獨當尖山之敗茲豈非命耶然奮不顧身欲忠國耳戰而死綏師律則爾不有是父焉有是子嗚呼窮海之濱棹楔煌煌足以齊美於高氏嗟後之人罔或文武之異視

贈承旨宋公墓碣

余既爲參議公銘其墓矣公諱諶字士允參議公之第三子蘇夫人感龍夢而生公龍生其小字也參議公立懂時公纔八歲哀隕如不欲生居數歲就傅學書史一日對棊局長者責以妨學則謝曰淡齋未復至痛在心薄扶桑而履蠻腸豈曾一日忘于心也讀書欲以觀古今事變局戲欲以得運機決勝之妙爾仍泣下霑襟長者爲之改容甫十四均田使權縉來檢田公犯科被逮當刑遽呼曰明公固守法矣有志之兒其可刑乎縉陽怒而促之公奮迅騰蹕而去追者莫能及縉奇之置而不問及長習武藝萬曆甲

陶菴先生集卷三十一  
寅中乙科第一名歸興陽十年猶家食人怪而問之  
則曰母老游宦非其時也然而時當昏朝其微意可  
見及母歿居喪以禮服吉綾城具公宏爲統制使素  
聞公名卽辟爲幕佐仍畱之門下視如子姓薦授宣  
傳官屢遷至全羅兵馬虞候乙亥除洪原縣監翼年  
虜難作 上幸南漢召諸路兵勤 王北兵使李沆  
南兵使徐佑申等入援公爲斥堠將行至楊根聞諸  
路兵敗沆等畏懼不欲進公以大義責之淡忤其意  
及講和虜退朝廷命北路截虜兵歸路以禁搶掠公  
代領中營衆踰鐵嶺斬虜百餘級抵南山驛賊屯尺

山下隱其精銳示羸以誘之沆等使公及前後營往  
擊之公曰虜情叵測不可輕進沆等曰第嘗之設有  
伏以全師繼之蔑不濟矣旣合戰虜騎數千自山谷  
突出前後二營不發一矢而盡沒獨公力戰賊兵再  
三敗北而孤軍無繼沆等方布陣山上公大呼請救  
而終不應官隸朴貴鶴控馬而請曰大軍旣遁公亦  
爲後圖無徒死也公呵之曰此吾死所也吾父年四  
十八死於丁酉倭亂吾年亦四十八死於丁丑胡亂  
夫豈偶然哉一軍爲之感泣公終日發矢手指盡落  
矢盡乃奮劍擊賊劍亦折遂死於凶鋒陪吏姜忠老

陽春先生集 卷三十一  
不忍去同死實二月十五日也沆等反誣公以輕師  
敗績金公時讓力爲公伸理且舉正沆等罪公議快  
之蓋公於金公嘗有知遇之感云後 贈承政院左  
承旨又 命旌閭公凡再娶晉州姜氏利川徐氏二  
男文祥通德郎隱居不出自號二憂以南北之讎未  
除也次文祐一女適縣令李聖雨者元配出文祐及  
庶子文亨皆武科文祥男可激必激可激子廷甲廷  
烈廷夔廷翼必激子廷岳文祐二子奠蓋奠之子東  
岳東錫東哲東輔蓋之子廷熹公葬於本縣棠山二  
夫人耐來請銘者廷岳也銘曰

臣忠子孝萬世大經得一猶難乃萃家庭高興一曲  
海氣冥冥孰云荒僻允矣地靈兩世天慳不夭之齡  
歲運賢嗟一何屬丁烈士遺恨未填蠻溟我壯其志  
庸作斯銘

縣監鄭公墓碣

公諱宅周字仁伯晉州人高麗文良公乙輔之後高  
祖諱宗弼掌隸院司評曾祖諱復一五衛將祖諱敏  
得都摠府都事丁酉之亂守南原城陷死之無嗣以  
從兄進士希得之子稷爲後是爲公考希得之母李  
氏與其婦李氏避寇向七山島遇賊船義不辱握手



陶庵先生集卷三十一  
投海而死并旌閭稷長以罪人自處生不欲妻子之  
養死而命薄葬月沙李相國嘗薦于朝除歸厚署別  
提一謝而歸公世居咸平六歲而孤哀毀如成人及  
長習武藝中丙辰科由宣傳官出守平南鎮遷訓練  
院主簿己巳坤聖遜于私第公與閔鏞具鳳昌欲  
抗疏遍求疏草於人而不能得自恨其無文即日棄  
官甲戌新化復宣傳官尋出爲求禮縣監持己清簡  
治不要譽有猾吏犯法者杖斃之不悅者因以構捏  
臺啓請下吏問閔尙書鎮厚金尙書鎮龜諸公迭爲  
公伸理遂蒙宥公素性骯髒不隨俗俯仰見人有不

是處雖達官要人相熟者亦不迹其門是以仕不達  
及歸作數架屋名之曰寒翠李學士喬岳嘗守是土  
訪公而題詩壁上有歲寒襟期之語公優游自適以  
壽陞通政階拜僉知中樞府事公雖從事弓馬操履  
如儒士自少至老未嘗有褻慢之容祭日必致齋已  
祭而猶不懈處宗族盡其和柔接賓客絕去畦畛嘗  
戒子孫曰吾不幸失學以至於此所望於若曹者太  
上學問其次文辭否則馳馬試劍未必非男子事若  
夫博奕好飲苟且營利者非吾子孫也公年八十四  
以丙申七月五日卒葬于縣之貴美里夫人完山李

隋書先生集卷三十一  
氏祔三男四女男德曜德載德潤諮議朴光一士人  
羅天柱朴光夏柳楫其壻也孫曰夢臣龍臣慤臣翊  
臣英臣堯臣遇臣喆臣弼臣夏臣龍臣英臣進士翊  
臣宣傳官餘不盡記龍臣與余好來乞銘銘曰  
煌煌棹楔在海一曲公生其門蘊奇混俗韎韐之身  
志則端士忠義奮發乃見己巳莫曰無文其亦有辭  
吾愛吾廬歲寒心期社酒圍幘優游終年吳日歌缶  
乘化儵然千里謁文孝子之誠我闡厥幽俾揭阡塋

監察鄭公墓碣

公諱奎徵字文伯少好文丙辰朝廷取萬武遂中一

第始由守門將歷司畜別提典獄主簿司憲府監察  
武臣兼宣傳官訓練院判官僉正中樞府經歷都摠  
府都事於外爲孟山縣監慶尙右兵營虞候己巳羣  
凶構禍喜偵人動靜公往問竄逐諸公不少懼一名  
官在餞席目之曰鄭僉正獨不欲仕耶朴學士泰輔  
爲國母諫死公初不識其面日候於金吾門外其  
竄也送至露江又哭其死甚哀見者莫不義之及張  
氏僭號百官廷賀公至闕下托疾不入聖母居私  
第過者往往不下公輒望門而趨公職雖卑微以國  
事罔極每語泣下如注公蓋圃隱文忠先生十世孫

也事親孝母病嘗糞甜苦出指血進之居喪致毀奉祭以誠其內行如此喪餘日以家廟在鄉露處哀哭時有寒疾求汗家人固止之不聽疾遂革以甲戌三月十七日卒年五十八葬於龍仁慕賢村先兆乙坐之原公姿性醇厚當事未嘗輕露聲色燕語絕不論人是非無貴賤待以誠慤鄉隣感服每以未究儒業爲恨勸子弟學文又能被服儉素於財利不苟取有富人殺公守庄奴請以累百金償之公却其贏利在嶺營時州有四衙各置屠夫擊民家狗殆無遺者公愍然曰彼亦有血氣之類耳日殺無罪吾所不忍也

子弟爲裝笥要一皮亦不許其外害民之政一切罷之及歸州民送餞者數百人鄭氏出迎日考諱公翰祖諱佶司果曾祖諱從善縣監固城李檝外祖也公凡再娶水原崔氏天峻之女有一男一女男纘先壻士人李喜龜德水李氏其考萬齡男纘緒側出曰纘興徐宗鎔權讚妻也長房男鐔銳鍵鏃女適李徵鳳韓光輔次房一子鑿鐔男民濟仁濟銳男應濟世濟鍵二男翼濟頤濟纘緒來乞銘銘曰

夫士平居讀書談道義而遇毫髮利害或一趨而一避孰如公毅然義形於色雖處危世居下位而能盡

吾心而無愧是固得於天而源於孝亦爾祖遺風之所自胡天不與以年為我腹心干城之寄文秀之山數人之石猶足以表素志

府使元公墓碣

故府使元公卒幾年追贈兵曹參判又幾年加贈判書其子宅揆將樹碣墓右請銘於三州李緯曰吾先出自原州為麗氏知門下省者曰舜弼吾鼻祖我朝右正言晃判書文靖公孝然最著文靖後八世而為吾父吾父之父杞贈承旨祖僉知中樞府事玃黃翼成相國之後主簿孝謙外祖也始吾父由武

科進兼宣傳官訓鍊院判官僉正都摠府經歷間為郎于備局守樂安郡以治最陞通政由五衛將除德源府使坐殺一軍校下吏自辨肅宗察其枉特釋之吾父事親務順其意吾祖嘗寢疾藥苦口不能進吾父色甚憂吾祖戲謂之曰汝欲吾飲第拜之吾父亟下堂而拜若是者三吾祖笑而飲之後為邑每自悲曰祿不逮養也自奉以約在官如在家眾處不譁笑待子弟僮僕以嚴惟臨民則色溫然也年六十八戊子八月六日終吾母佐郎完山李德龜之女生于壬午先吾父廿九年卒始葬于原州移于驪之三井

向丑之原與吾父而葬焉生四子吾其長也 思陵  
參奉百揆其次爲北道兵馬節度使又與從勳是屢  
贈吾父官者女子子歸進士姜命瑞士人申鑣側出  
廷揆復揆武科吾無嗣取吾弟子重采爲後重采宣  
傳官士人姜惠溥吾婿李裕濟吾弟婿長婿壻進士  
尹得麟次壻子思健思民思汲思民武科士人沈壻  
許濶壻也吾弟嘗伐石而治之公之客于牛梁也吾  
亦旣屬文矣不幸吾弟先歿強壯者猶若此吾老矣  
朝暮且死不獲公一言無以見吾弟於地下矣緯作  
而言曰乃族祖族父世仗閭鉞乃家號爲將門而乃

父宦不遂蹇滯以歿是蓋能恬於勢利退然如無能  
者其食報於後也固宜乃弟兄又能篤于孝謀所以  
不朽是可銘也公諱始亨字大哉云銘曰  
延霞之南黃驪之東節度營之寢郎終之有劉斯石  
孝思靡窮誰其作詩寒泉之翁

府使吳公墓碣

公諱達海字興叔吳出海州七世祖塾靖國功臣官  
節度使其孫克仁蔭補直長直長之孫璜是生致舜  
生命說文科禮賓寺正公其子而寺正之弟命夔取  
以爲後世居湖南之靈光少而投筆中丙辰科初除

武臣宣傳官己巳之變卽日不仕甲戌以後始復游宦歷都摠府都事經歷訓練院主簿副正外則康津縣監礪山府使神光加德僉使順天慶州營將其陞折衝階則以加德也寺正公嘗守康津公隨往方九歲手植袖於庭及公爲縣樹方繁茂爲寺正公上壽取其實以佐之人以爲異事公資性慈厚居官能謹畏其爲營鎮善戢暴賙饑得軍民心去後輒立石以思戊申嶺賊起公在慶整軍以待之勵以忠義人有固志亂旋己公亦罷歸自是不復仕日與親友琴酒爲娛年七十六卒于壬子十月二十二日其明年葬

郡南廣石山淑夫人驪興閔氏先公五歲卒至是耐其考將仕郎光燧贊成諱齊仁之後男祐天祐天男憲朝相稷相高憲朝出祐天將樹碣使其子來請余文以余與公有素也銘曰

起身韎韐渾跡曹偶我觀終始人也有守故里婆娑  
晁日歌缶我銘不華可徵來久

僉使朴侯墓碣

崇禎丁丑 孝廟以大君如虜中選壯士八人以從  
朴侯安義其一也侯字子由密陽人有諱崇元漢城  
府判尹壬辰之亂卒于灣上錄扈 聖功錫封密川

隆慶先生集卷三十一  
生諱耆賢同知中樞襲號密溪侯其側室子生纔三  
月能起坐及長驍勇絕人丁卯武科丙子 孝廟將  
避虜江都侯方持制新豐府院君張公維素知侯至  
行謂曰國危如此未可移孝爲忠耶新豐密川之外  
孫也 孝廟亦聞其名召使起復侯慨然曰吾祖之  
孫而不死於國是忝也亂定侯將還鄉終喪會 孝  
廟有北行 仁宣王后隨之又邀與俱侯常不離  
孝廟左右身佩短刀以備不虞累經寒暑誠赤愈至  
辛巳 顯廟誕降 后使求我人有乳者偶得密溪  
舊婢以爲保母侯之力也越四歲侯與保母潛護

顯廟以歸旋復北還有事輒 命升堂與議 后嘗  
呼以叔甲申 孝廟始回轅白 上收用入藩壯士  
上可之仍諭兵曹曰其收用先後問於 鳳林鳳林  
孝廟潛邸時君號也於是侯授西生僉使 孝廟初  
又除防踏 孝廟升遐侯食素一年語及 兩宮恩  
眷每嗚咽流涕 孝廟忌辰必致齋五日晨起北向  
拜 顯廟朝除興陽大山二牧官歸老清鄉 后特  
念舊勞常加存問時賜衣食年七十四壬子卒臨絕  
呼諸孫告之曰吾以卑微遭危亂受 國恩甚渥將  
無以報其萬一若曹體吾意以亡軀報國爲心則吾

陽春先生集卷三十一  
死且不朽矣 后命賜喪葬需致賻視二品云侯性  
慷慨不事生業忠義奮發死生以之至於擁扈 王  
孫萬里潛還雖謂功存社稷可也而官不過節制蓋  
侯有不言阿保之謙德而 聖朝不以私恩官人亦  
可見矣余於是既深感歎而又恐侯忠勤一節湮沒  
而不傳抒其大略以授侯之孫泰昌俾書于墓石銘  
曰  
嗚呼壯士兮何才之傑而何命之窮縱不能圖形麟  
閣亦足以裹尸馬革胡爲乎老死畎畝之中惟其退  
然自守口不道前功尙庶幾乎博陽之風

郡守宋侯墓碣

侯諱光材字子秀恩津人世居懷川父曰興吉大耋  
通政大父曰胤昌郡守諱應瑞之庶子郡守公於同  
春先生爲王考胤昌出爲族父僉樞黃生之後僉樞  
父世勁祖汝霖皆郡守二家同祖雙清堂愉外祖晉  
州柳興龍以學行聞鄉塾 贈監察侯少學文不成  
丙辰捷武科由御營將官除鉢浦萬戶後爲魚游淵  
僉使病褫陞折衝再爲忠翊衛將遷僉知中樞府事  
爲機張縣監未赴又爲熙川郡守居歲餘罷歸年七  
十乙酉四月十三日卒于家葬於同縣通政公墓下



陶菴先生集卷三十一  
負亥之原室扶安金氏別將後說之女隣黨稱其賢  
先十三年歿與侯祔三男炳宇炳宙炳翰女爲金命  
祐朴樾趙擎履羅再倫趙龜河妻僉樞公有園林勝  
致琴酒跌宕以是得豪名通政公標致亦絕人桐溪  
鄭公蘊一見以仙風道骨稱之侯爲重葺舊時池臺  
以奉暮年歡通政公甚安之侯雖從事鞅韜而自幼  
薰炙先生之門居家行義多可觀作事少葳蕤而亦  
不踰閑其當官也不爲勢屈不爲利疚又絕不爲違  
道干譽之事是以宦不遂余及見侯老年豪氣不衰  
質直好義人也炳翰子堯濟以二父言來乞銘余不

能辭銘曰

嗟宋侯兮生老於是死葬於是誰其銘者同春先生  
外孫之子

陶菴先生集卷三十八目錄

墓碣

從弟正郎 贈執義君墓碣

族祖正郎公 粉墓碣

族叔縣監公 晚亨墓碣

族兄通德公 綱墓碣

族兄正郎公 練墓碣

墓表

高麗忠臣掌令徐先生 甄墓表

監察雪谷鄭公 保墓表



縣監三可朴公遂良墓表

處士趙公世賢墓表

洗馬李公世銘墓表

外先郡守閔公墓表後記

直長柳公世祐墓表

署令韓公汝澈墓表

參判全公有亨墓表

直長鄭公馨遠墓表

教官郭公志仁墓表

別提羅公海鳳墓表

同知鄭公東燁墓表

左參贊李公弘淵墓表

僉正洪公處濬墓表

牧使鄭公時亨墓表

直長韓公如琦墓表

察訪宋公基德墓表

判書西浦金公萬重墓表

縣監李公萬亨墓表

參奉吳公斗奎墓表

佐郎李公混墓表

同知李公寓墓表

右議政閔公鎮長墓表

右議政金公宇杭墓表

經歷宋公茂錫墓表

主簿金公恒壽墓表

正郎閔公在洙墓表

靈原君樞墓表

判官閔公啓洙墓表

陶菴先生集卷三十八

墓碣八

從弟正郎 贈執義君墓碣

今 上三年丁未命旌故工曹正郎李練曰孝子之門 贈司憲府執義用相臣言也練字汝剛兵曹判書歸樂堂府君諱晚成之子府君 肅宗朝名臣不幸為羣凶所誣瘐歿於壬寅士禍國人哀之當是時汝剛在金吾門外日夜啼泣目為之腫親故來問者亦泣不忍見及扶屍而出也號擗幾絕者數一市人莫不咨嗟涕洟曰此真孝子也甫葬盡室入春川屢



陶菴先生集卷三十八  
遷而得甌里居焉里人化之而不歌繼母金夫人性  
簡嚴汝剛常以順適其意爲主禍變以後夫人一啜  
粥汝剛方一粥夫人一舉匙汝剛亦一食夫人不止  
哭汝剛之哭不止夫人感其誠未敢盡哀三年不一  
脫經帶不與人言笑毀極而猶不滅人皆異之越四  
年乙巳上命雪府君冤復爵秩而錄其孤汝剛爲  
翊衛司司禦未忍復襲冠紳余強之一謝而褫移他  
職不拜余自麟峽還郊廬而汝剛獨不肯余素愛玉  
屏金水之勝謀結茅於其間汝剛欲相隨以終身先  
買屋往焉居數月感疾卒于永平寓舍時丙午六月

二日也年三十九汝剛居常自痛曰福善而禍淫天  
理之常而今之無天固久矣然凡人招禍之道非一  
而亦惟曰驕奢也薄惡也又或知進而不知退者也  
若吾先人則平生忠厚恭儉廟堂江湖之間無一念  
不係於君民履盈思危身雖進而心則退人道之禍  
宜無自而至者然而若此者何也此實不肖惡極獲  
戾神天而然每以是自責若無所容者跼而莫知其  
高躋而莫知其厚對人而慚顏獨居而慚影往往哀  
號涕淚如血雖於免喪後亦然顧以身無嗣續未忍  
引決而心肝腐蝕幾何其不至於死也臨絕手書屬

余以家事有日五載苟活亦已多矣歸侍父母如得甘寢蓋說出真情也嗚呼朱夫子嘗論禍家子弟處義而曰不仕爲正夫以汝剛之心而不仕未足言若其痛冤憤懣之極直欲籲天而無從以至滅死而後已汝剛之孝豈非孝而過者耶然庶幾當世之人見汝剛自盡於孝而知子道之重則汝剛所立又曷可少哉嗚呼使汝剛至今不死未見有討復之期祇益窮天之痛耳生亦何爲但汝剛方且刻苦用工以窮理修身爲究竟法而天不假年徒以一善成名惜哉汝剛爲人慈良端雅聰明絕倫生未晬就曆日能識

之圖二字及長文辭贍蔚尤工詩儷丁酉進士國俗重壯元而近世未必盡得其人至汝剛士論翕然翼年又魁別試解額朝暮且一第而竟未能也初拜世子洗馬調宗簿寺主簿辛丑由工曹佐郎出監平康縣已而時事大變卽棄歸母夫人安東金氏柔惠有婦德其考領議政壽興配東萊鄭氏觀察使是先女舉七女壻曰及第閔百祥士人鄭案閔百兼餘皆夭歸樂府君之墓自隋城移卜寒泉從汝剛遺志也汝剛始葬高陽之香洞亦從而遷焉銘曰喪而主哀本於天理人或不及君則過已豈欲滅性

陳春先生集卷三十八  
實惟自致書以孝子我銘無愧

族祖正郎公墓碣

有屈公輔之具而混於祿仕抑亢厲之性而隱於郎  
潛志氣傑然傲視一世抱負甚大而百不一試沉鬱  
以歿者若吾族大父正郎公是已公諱翬字舉遠牛  
峰人始祖公靖高麗侍中入本朝有諱吉培都觀察  
使於公爲七代祖也曾祖諱之信弘文館副提學祖  
諱劭敦寧府參奉考諱有恒隱德不仕以至孝稱娶  
晉州柳氏將仕郎宗汀女以 萬曆丁酉三月二十  
八日生公公五歲而失恃鞠於外氏人有以年長未

就學譏而激之公卽時拜辭於外王母王母力挽不  
得欲治送人馬則公曰年今十餘尙未入學此堪愧  
死何以馬爲徒步而行時家大人寓居海西公先往  
告以厥由卽走都下依一老婢艱借人書冊請學於  
教官未一年盡受曾史通鑑之屬繼而汎濫經書讀  
書之暇又習製作輒屈曹偶才名藉甚一時兪大憲  
檄蔡湖洲裕後金滄洲益熙皆與同研爲莫逆交癸  
丑羣凶當國將廢 母后館學上疏力爭併被停舉  
公名亦入其中自是歸花田庄舍始奉家大人還寓  
公貧無以爲家而盡心供奉甘旨未嘗乏人有愍其

隋書先生集卷三十八  
窮而助之者公却之或謂有名不當辭則曰吾知其  
人此物安知不從不義中出耶公之嚴於辭受類如  
此家大人邁疾公嘗糞禱天又血指以進疾旋已後  
一年還復加劇家人取刀劍之屬藏之公得水鐵器  
尖者割左股得血頗多大人瞪目視之曰吾命已盡  
汝何爲乃爾及遭喪勺水不入口者三日股瘡甚終  
不傅藥葬後猶朝夕拜墓雖寒暑風雨未嘗一日廢  
啜糲粥以終三年相愛者不虞其生全人有以靖社  
事來告者公不應癸亥反正向來疏儒并解罰公復  
赴舉甲子中司馬朝廷搜訪遺賢用薦授公軍資監

參奉不就遂負笈上寺專治七書之工期於一第會  
以繼母吳夫人命還侍取書束閣曰方今親老何暇  
念及於他日顯揚自是廢舉專意課農時或賣薪以  
自給惟母夫人所須竭力必致得色喜乃安朝廷又  
薦授 恭陵參奉仕滿調遷如例比陞六拜刑曹佐  
郎俄陞正郎原平元公斗杓爲長官元以勳貴素多  
氣往往屈法而欲行己意公據理爭之元必欲角勝  
公亦不肯相下投帽而出元卽悔而從之且遣子弟  
謝過而後乃視事前後居是官者幾十年所行多爲  
後法外則盈德文化振威青山靈山五邑也在盈德



時麟坪大君宮奴作掣列邑所至廚傳待候擬於別  
星公大駭之着枷嚴囚報于方伯方伯狀聞 孝廟  
大加稱賞宮奴 命嚴刑賜公帛褒美之文化則先  
君僑寓之地亦吳夫人父母之邦也公至則威惠并  
布干囑不行爲吳夫人設壽席邀其內外親屬三日  
大宴以悅親意其罷歸也直抵鄉廬貧約如舊戊子  
十二月二十三日以疾卒於靈山官舍公素重友道  
李時萬以親於自點被同春先生彈劾一時儕友皆  
絕交公獨不絕有人以同春意諷公曰何不絕李公  
曰李果是自點黨與則吾當先他人絕之而於自點

臭味不同吾既知其如此而豈可遽絕平生故交也  
同春與公同年契好甚至常誦於衆曰學行如李某  
者終不顯用惜哉朝廷方駸駸嚮用至有南臺之議  
而天不假年竟至於斯命也夫己丑二月葬于高陽  
陶井里夫人墓右夫人全州李氏 成宗別子檜山  
君恬之玄孫西平守燠女西平在昏朝卓然有樹立  
夫人雖生長綺紈而安於貧困宗黨稱其德先公五  
年而卒舉二男長晚泰通德郎無後次晚亨縣監側  
出晚輝武科萬戶二女沈儒醇尹瑞三孫曰綱縑進  
士正郎綱子濟彥縑繼子濟寧銘曰

隋書先生集卷三十八  
以孤童而發憤力學以成門戶斯豈非豪傑之士歟  
清白足以範俗孝友足以錫類在他人亦云貴矧吾  
宗之孔邇小子夙所欽尚作銘詩而詔無止

族叔縣監公墓碣

公諱晚亨字士順牛峰人刑曹正郎諱翬之第二子  
也幼而好學不煩師授正郎公累典縣邑公輒隨之  
溪居讀書官吏罕識其面丁母憂哀毀踰禮而於正  
郎公側未敢以戚容見及正郎公卒于官晝夜號擗  
哀動傍人一縣稱爲孝子歸而襄奉如禮啜粥以終  
三年毀極幾不能全猶不廢拜墓之禮立木於墓前

用索繫之以至于廬攀索而往來焉比服闋連中大  
小科發解而俱不利於會圍士友寃之選部用薦授  
敬陵參奉調遷如例其在平市斗斛平奸僞息都民  
僂之吾外王考驪陽閔文貞公時提舉是署屢稱於  
人曰郎僚得人吾無憂矣移拜司憲府監察陞平市  
署令時朝象一變羣凶秉國公卽棄官歸花田課農  
以代祿又喜誘掖後進親舊子弟請業者多宗孫有  
乾沒遠鄉不能自振者率還與居居家有法御下甚  
嚴雖盛夏子弟不敢脫纏襪敬奉伯氏于一室怡愉  
湛樂人不能間奉先之節必誠必敬每親忌齋服靜

陽春先生集卷三十八  
坐不接外事婢僕亦令含枚執事內外肅肅無敢喧  
譁者庚申朝著清明驪陽閔公時長金吾自辟公爲  
都事尋除恩津縣監不赴壬戌得楊口縣之官殫心  
奉公吏畏民安乙丑十月九日以疾卒于縣衙享年  
五十九後葬于高陽高峰坐壬之原初娶海平尹氏  
月汀根壽曾孫父曰同敦寧挺之二女歸士人柳漢  
五安時聖繼室清州韓氏汝諧之女二男長綱次縑  
進士正郎承文正字姜浚溥士人洪禹著其婿長房  
男濟彥次房繼子濟寧姜婿子柱華柱泰銘曰  
嘻我族祖德鉅位細不食之報謂在公世原公百善

本於孝悌雖從祿仕名行俱礪時運平陂行止潦霽  
吾守吾廬自甘侘傺小子有造鄉塾遺制起佩縣紱  
峽岷懷惠惠政未究百里送涕昌大門戶謬悠其計  
流風寢邈懿德潛契載作銘詩用眎來裔

族兄通德公墓碣

吾族兄日章氏年二十四而死其未死也能儼然持  
門上奉老母下育幼弟僕隸不威而知畏家產不治  
而常裕蓋其爲人高邁疎曠且有幹局族大父農齋  
公常撫頂而愛之顧謂縣監公曰爾有子矣族父歸  
樂公亦稱之曰此君雖不由大科進必大張其門戶

陳者先生集 卷三十一  
矣父兄之所期待如此又嘗聞縣監公在楊口縣不幸公時方十七號擗罔極之中治喪諸節獨自當之凡百從容無所失禮官事之未及收殺者考覈區別一齊修正兼官見其措置嘖嘖不已方奉櫬而歸也遇雨雪峽路冰塞擔夫不能前公捨馬徒步扶櫬而哭道路觀者莫不感動至有負土而布之前路者云記余嘗拜公母韓夫人每稱公孝子孝子公弟年十三患疫公頻自背負以慰其意其友愛亦如此公諱綱日章其字諱晚亨之長子也公之卒在壬申十二月九日配全州柳氏 贈參判世憲之女甚有婦德

自公喪後不進勺水期於下從未及公大祥數月竟澌毀以終公死時子濟彥生纔三月不期其生全矣卒能成立有子四人枰檠枕械是蓋公積善之報也

銘曰

尚記其容頎而長兮儼然持門若老成兮噫千里駒中途僵兮有兒在襁兮老蒼兮繩繩振振後必昌兮

族兄正郎公墓碣

公諱縑字汝章正郎諱翀之孫縣監諱晚亨之次子李出牛峰吾與公同祖副提學公之信仍同居高陽之陶井里凡五世公先余生於己未七歲始識面十

歲與同學公聰睿絕人能道五歲隨縣監公赴楊邑時事以至山川道里瞭然如在目前讀書過眼便成誦吾亦不可謂無記性而每覺其不可企及尚書暮三百註非童學所可容易解者公一夜之間潛究推算無復遺蘊吾仲父歸樂公大奇之比余稍長入洛方知世間有離合事吾從弟練汝剛於公爲後輩而歸樂公愛公才同爲課督自是出遊庠舍屢屈曹偶又以詩魁監試發解才名益藉甚遂中乙未司馬丙申除慶基殿參奉旋移永禧殿轉掌苑署奉事濟用監直長陞通禮院引儀義禁府都事入刑曹爲

佐郎秉心以公摘發如神官長信重之辛丑出爲山陰縣監適時事一變而以歸樂公命黽勉之任乃自勵曰一日在官當盡一日之責恪勤奉職夙夜靡懈意欲犯科得罷道臣率多凶徒而以公治最一道雖不欲褻啓亦不敢斥罷報瓜始褫公之在官患疾一境緇俗日夜待候或禱于社或祈于山川藥物之難得者必致乃已及歸髻白擁路以公不飲至有酌水而餞者時朝廷令道臣各舉州牧才觀察使俞公拓基以公應命戊申嶺南賊希亮聖佐等反已而希亮爲其同黨所斬獻而餘徒尚盤據三嘉卽嶺右要

陽春先生集卷三十八  
衝朝廷將差遣新倅而難其人李判書秉常曾謫咸陽稔知公傍縣政績言于朝曰鎮服民心撫摩疲殘非李某莫可遂拜三嘉縣監公即日匹馬赴官百姓聞公來欣欣相告曰舊日山陰守莅我土矣歸者繼屬不絕公先喻逆順以開自新之路凶黨之在囚者分別首從按治如法安集平民一境晏如辛亥大饑又竭誠調賑民無捐瘠頌聲益洋溢又瓜而後褫甲寅牽復瓦署別提社稷署令歷工曹刑曹佐郎陞正郎居一年出監咸昌縣邑人已聞公三縣政不威而畏不惠而懷道內凶黨稱以從祀疏對舉聚于本邑

作挈校院邑民亦入其中公捕致枷囚其徒駭散已未四月十三日以疾卒于官享年六十一士民奔遑朝夕哭臨不敢歸邑底則爲之不舉火者三日其還櫬也空邑而送之其哭甚哀仁澤之入人可謂深矣公天姿明敏長於吏事凡閭里疾苦小民情偽無不的知而明見與人語輒纚纚不休如破竹之勢故不加蒲鞭而吏民畏服所至皆有惠政去後各豎碑思之公常曰別備穀物得善賑之褒者士大夫溪恥雖平生親故爲達官則不通書造門以是仕路蹭蹬終於數縣在官不營生產至死惟草屋數間以兄子濟

陶菴先生集卷三十八  
彥主宗祀撫愛甚至臧獲凡百一以埤遺此亦人所難者公初娶平山申氏縣監鳴華女有婦德公甚宜之先公二十四年歿再娶白川趙氏父曰參奉輝璧有繼子濟寧公始葬于陶井先塋後某年移兆與申淑人耐余自念平生故人未有如吾兄者一日不相見則怒焉如飢在時若不可須臾離者今公之舍我而先已八年矣吾亦朝暮且死於公不有一言是重負公也遂攬涕而叙之系以銘銘曰  
謂公自混於祿仕兮乃其持已則處子人或譬諸割雞之牛刀兮公則不願爲能吏而願爲良吏惟孝友

清脩之節兮庶幾軼先矩而無愧故人作銘兮脫略粗跡而寫其志

墓表一

高麗忠臣掌令徐先生墓表

嗚呼此高麗忠臣掌令徐先生之墓也先生諱甄利川人恭讓四年爲掌令與諫官金震陽李擴等請罪趙浚鄭道傳南閭洎圃隱殉國以先生及諸言者爲黨與悉放流之是年高麗亡先生遜居衿川坐不北向終其身不對漢陽城郭嘗作詩曰千載神都隔杳茫忠良濟濟佐明王統三爲一功安在却恨前朝業

不長大臣臺諫請鞫之我太宗大王教曰甄高麗之臣不忘其君亦夷齊之流也其置勿問後宣祖大王因筵臣言命封其墓且賜祭墓在衿之樊塘里去縣治十里餘今縣監李濟遠往拜之慨然曰忠臣之墓其可無表乎爲具一石將豎之墓前以告于其父緯緯聞而喜之曰昔朱夫子之任長沙首錄死節五人立其廟兒其知此義矣先生以一身而扶樹五百年倫常與圃翁生死雖殊而爲仁則一可以爭光於日月顧事蹟微昧無可徵信而獨其言志之作猶可以想見先生本心於百世之下夫欲觀夷齊者

采薇一歌足矣又何必多乎哉可歸而刻諸表陰也

監察雪谷鄭公墓表

圃隱先生有孫曰保雪谷其號也少中司馬爲司憲府監察嘗與六臣友善及六臣獄起公忼慨不食其庶妹爲韓明澮之妾一日醉往見之問明澮安在曰在闕鞫囚也公發怒罵曰爲我語令公公當爲萬世罪人明澮以聞上親鞫之對曰常以成三問朴彭年等爲正人君子故實有是言上怒甚命輟之顧左右曰誰歟曰鄭夢周之孫也上遽命止之曰忠臣之後不可殺遂流于延日而有司舉孥籍如例後



徙丹城以卒事見國史及丹城誌 肅廟己卯復

莊陵旌表六臣諸人公亦 贈吏曹參議公葬于先生墓之右崗與夫人下上而異封舊有表六代孫摠管倜所樹後六十六年辛亥八代孫兵使德徵卽其石而改刻之三州李緯記其陰且爲之銘於公亦彌甥也銘曰

圃隱之孫六臣之友我書其石百世不朽

公考宗誠吏曹參議妣竹山朴氏其考提學仲容夫人朴氏籍密陽兵馬使登之女男允貞主簿次允和正字次允寬六女殿直成孝淵敦寧正李擘

判中樞李石亨判書李繼孫李瑞廷大司憲李有仁婿也

縣監三可朴公墓表

嗚呼此己卯名士朴三可先生之藏也先生江陵人也諱遂良字君舉甲子司馬燕山嘗嚴短喪之制犯者輒死先生時居母憂慨然曰寧死於缺鉞不敢違先王之制也廬墓以終三年 中宗反正 命旌其孝選賢良特授龍宮縣監 上召見問曰堯舜之治可復爲之乎先生對曰可 上曰何由知其可也對曰臣生長草野喜看本草芳草之性古之甘者今亦

陶菴先生集卷三十八  
甘古之苦者今亦苦草之爲物至微而其性猶如此  
人性豈異於古今哉若以堯舜之治治之則其治不  
難致也 上嘉歎之邑有兄弟爭田久不決先生令  
具盛饌招訟者上堂謂之曰我爲汝地主使汝兄弟  
爭訟我何面目臨汝乎此筵爲汝餞我而設也仍喻  
以古今兄弟友于之情若蘇瓊之於乙普明流涕滿  
觴其人感悟毀券相讓先生曰人誰無過過而能改  
善莫大焉又舉酒相屬其人終身友愛不衰及士禍  
作棄官歸江陵行橐蕭然惟一空籠堂叔公達號四  
休亦登賢良科爲騎省郎與先生隔溪而居杖屨從

游海澨有小臯樹以松柏日盤桓其上人號之曰雙  
閒先是金冲菴淨自楓嶽訪先生于家瓢尊對酌臨  
別贈躑躅杖有詩曰萬玉層崖裏九秋霜雪松公和  
之有曰似嫌直先伐其微意可見一時士流斬伐殆  
盡而禍獨不及於先生焉先生遇興必吟哦無塵俗  
氣評詩者以爲如天馬行空不施韁勒云余素慕先  
生風節以鄉人之請作銘詩使揭于碑陰詩曰  
萬古亭亭松栢心大冬霜雪不能侵我欲一鼓師襄  
琴魂招不歸海雲淡

處士趙公墓表

趙公世賢卒後幾二百年三州李緯題其墓曰處士而仍叙之曰處士不知何許人謹按豐壤世譜有曰世賢當 中廟反正以靖國原從勦除冰庫別檢不就守志以終蓋豐壤君世助其仲弟而姊壻則昌山府院君成希顏也二公要與同事而公不應退屏于林川此則出於家庭傳聞者也嗚呼天地之間有經有權權者一時之宜經者萬世之常且如殷周之世非武王則無以除暴救民而彼不食其粟者蓋爲萬世存大經故韓愈氏頌之曰特立獨行而不顧者也公之事行雖微而不章其心亦如此否乎况一門天

顯之間又能各行其志而不相悖此殆朱子所謂事之難處有甚焉爾凡人之情鮮不厭貧賤而慕富貴夫以攀龍附鳳之勢欲之則斯至顧迺棄而不取寧枯死草澤而莫之悔也噫公之志節若彼卓然而朝野乘牒無少概見何哉今不書其官而曰處士者所以明公之心也百世之下尙或知之公上祖孟高麗侍中佐郎安平通仕郎厚之 贈掌令益祥公之三世後承不能盡記公墓在林之麀項室金氏祔

洗馬李公墓表

公諱世銘字致中號慮齋 弘治壬子生 正德丙

子生員 中宗朝選賢良不就舉己卯士禍繫獄  
上下教曰予自潛邸飽聞仁德特宥之此出譜書所  
載而不見於己卯錄諸書有未敢詳夫以靜菴之賢  
而不能得於 中廟者公獨得之斯亦有幸不幸而  
然耶第依其言記之以附傳疑之義而追考東儒師  
友錄己卯八月二十二日 上以袞服御思政殿同  
知趙光祖尹倬大司成金湜承旨韓忠等入侍 上  
於儒生抄啓單子落點生員李世銘進士朴光佐幼  
學金景鸞使之入講李世銘純略餘人皆不通光祖  
曰李世銘有志儒也但未熟了大綱則知之嘗學於

金湜資質近於執滯之病然豈有害乎云云噫濟濟  
多士文王以寧公之濠才博識世代寔邈雖不可詳  
然而己卯士禍未作之前實我東三代之治而得與  
諸賢雍容揖遜於其間以贊棫樸之化嗚呼盛哉公  
娶泗川睦氏 贈參判希顏女二男佖主簿倜經歷  
孫宗厚宗直僉樞宗德義元同中樞智元僉正曾孫  
曰寅宣 縣令寃寓同中樞宙寰云

外先郡守閔公墓表後記

公之墓舊有表略記公生卒歷官子孫其文質而不  
華不知何人述也然猶足以見公孝友慈儉之一端

焉後百六十四年甲子六世孫副率昌洙謀於其再  
從兄判書應洙曰凡我諸先墓率多立豐碑該記載  
而獨於此墓尚仍舊時短碣是豈有待於後而然耶  
蓋吾祖有追榮之職而未及登刻且近世以來多有  
大官聞人此又不可不追記也應洙曰諾於是別治  
一石請緯識之謹按其狀公後 贈資憲大夫議政  
府左參贊兼知義禁府事二夫人從 贈貞夫人有  
男八人女三人並其孫男女五人皆載舊表男汝健  
後 贈吏曹判書汝俊 贈左參贊汝信兵曹正郎  
汝任進士壯元文科參判錄清白吏 贈左贊成汝

儉文科嘉善府使 贈判書汝佶 贈執義汝侃汝  
佑早卒女尹起莘正郎二幼女後嫁士人慶遜縣監  
李宜兄長男之女蔡慶先典翰次男之男杓改名構  
進士機文科府尹 贈領議政出後伯父為公嗣孫  
根教官出為汝信後幼女後嫁參奉權興諸孫之未  
載舊表者汝任之子杓檀汝儉之子杓楷桓汝佶之  
子樞也杓署令杓以孝旌閭 贈正郎楷出為汝侃  
後桓禁府都事亦以孝旌閭 贈承旨樞 贈承旨  
曰觀察使 贈領議政光勳直長光尹監察光煌掌  
令光燾縣監光燮參奉光晨縣監光旻其曾孫也玄

孫以下多不能悉書大司憲 贈左贊成著重左議  
政文忠公鼎重領敦寧驪陽府院君 贈領議政文  
貞公維重吏曹判書 贈領議政鎮周右議政文孝  
公鎮長左參贊忠文公鎮厚左議政文忠公鎮遠應  
洙諸從兄弟掌令翼洙持平遇洙以遺逸薦文科參  
判亨洙文科府尹通洙卽昌洙之弟也應洙之男百  
行文科承旨百昌文科正言亨洙之男百祥文科正  
字皆長派出也直長 贈掌令泰重以學行薦參奉  
慶重以孝行薦同中樞 贈判書鎮有文科持平鎮  
東文科獻納宅洙皆各派所出也今距公之世且二

百年而子孫蕃衍皆文學忠孝相承而文貞公實生  
我 仁顯聖母益爲邦家之光豈非源大川豐者歟  
粹文貞公之外孫今於記文之述義不可辭茲敢撮  
錄其大者以視于後云

直長柳公墓表

嗚呼此故直長柳公世祐及其配安人金氏之墓也  
公字綏伯文化人領議政文景公亮之五世孫曾祖  
約郡守祖凌察訪考浣大護軍公生於 嘉靖癸亥  
爲人瑰偉有器局且善武藝朝廷知其材壬辰之亂  
除軍資監直長駸駸將嚮用也不幸年三十一卒知

附錄先生集卷三十八  
公者莫不悼盡公世以清白相傳依婦家以居婦家  
在青山素饒財及公歿安人謂此吾土也而非所以  
居子且利者蓄之所生也去之往依于商山趙樂安  
亨遠亨遠公之從妹婿也待其子教育成立而後反  
焉安人刑家有則閨門肅然鄉人稱之參奉井收之  
女也後公十三年而卒墓在縣南潛崖三男曰芝曰  
蘭曰芳公之曾孫錫晉謁余於寒泉之上泣而言曰  
吾父嘗出入尤菴先生之門先生爲作墓文未入石  
而父遽歿文亦見逸於回祿不肖今老且死矣恐未  
克卒事無以見吾父於地下敢以請余悲其志遂取

其家乘所載而序次之使揭於阡隧錫晉之父曰塾  
云

署令韓公墓表

公諱汝澈字仲涵清州人上祖蘭太尉曰脩曰尚質  
在麗末國初有名皆官大提學後五世有諱鎮贈  
參判是生諱守慶敦寧府都正生左參贊清川君諱  
準清川八丈夫子公其第五萬曆辛丑生員筮仕  
至平市署令間除德山縣不赴晚謝官歸公之活源  
耕稼自適丙辰六月八日卒年四十四用原從勞  
贈承政院左承旨公歿百有餘年家乘散佚言行無

傳者蓋聞公退居在光海政亂之時殆古所謂見幾而作者詩曰十畝之間兮桑者閒閒兮行與子還兮讀此詩者其得公之心乎公舊宅邱墟宅前老栢大數圍屹然獨立鄉人至今指點如見公婆娑其下云妣全州崔氏都事貞秀之女夫人崔氏亦出全州其考德峻男彬宣教郎二女適縣監沈之憲崔道源孫曰五福五章五喜五玉量垆長房出採壁二房三房出垆男泰欽斗欽濟欽道欽大欽昌欽生員採男義欽壁男祖欽始欽復欽公墓于中基崔夫人異壙而耐去其居數里舊有表今無泰欽徵余文以揭于阡

上如右云

參判全公墓表

蓋當壬辰搶攘之際 宣廟急才如渴拊髀興思全公有亨以布衣奮草萊上結 明主之知至今尙論者謂契遇之盛古亦罕有云始公識慮沉遠慷慨憂時先倭寇未至上萬言疏預陳陰雨之戒朝廷方恬嬉聽之藐藐翼年亂作始服其先見公與重峰趙公憲握手痛哭草檄募義旅會公丁父憂公又思獻防禦之策不果上癸巳忠州義兵將朴廷蘭將赴 行在欲上疏要公代草公示以前藁朴遂以其疏替呈



上覽之嘉歎降旨于湖西道臣曰此必草野奇士之  
隱者予將起復用之卿其敦遣公辭以父死未葬又  
下教曰此非臣子守常之時勦力討賊乃所以爲孝  
也命給葬具公感激涕泣葬訖走闕下懇乞守制  
上不許除軍資監參奉又疏辭特賜對問以時務仍  
饋酒食公食舍肉 上曰盤中有素菜可食也仍  
下教曰天子友匹夫予今與汝友耳公惶恐退出夜  
已四鼓矣旋擢拜清安縣監越三日又賜對從容問  
曰古之人臣扶顛持危者孰爲第一對曰諸葛亮也  
上曰汝言非也謂之知人也則馬謖庸才而亮用之

謂之知兵也則陳倉小城而亮不勝何爲第一公曰  
以堯之明而用四凶謂亮過於堯則不可謂亮不知  
兵則臣有說焉當是時北有曹操南有孫權亮雖善  
用兵益州褊小之地安能收復於數年之間耶至於  
陳倉之不克以糧盡也非才之罪也 上曰不然田  
單以一卽墨復齊七十餘城汝謂益州小乎對曰卽  
墨雖小齊猶在也益州雖大漢已亡也復將亡之齊  
易復已亡之漢難 上然之命蠲清安貢賦且移粟  
以救之從公言也賜弓箭臘藥是夏丁母喪又 命  
起復時賊警復至公過葬復還任旋屢疏辭該曹以

隋書卷三十八  
助防任重不許而公竟棄歸終制癸卯又上萬言疏  
盛論朋黨之弊且言早晚奴酋入寇宜預講備禦之  
圖後果一一奇驗乙巳魁庭試除司僕寺主簿司憲  
府監察有以居喪不謹劾公者公上疏自辨尋特叙  
之又有尼之者久之乃叙未幾 宣廟賓天值昏朝  
潦倒庶僚內則成均館典籍禮兵刑三曹郎外則延  
曙大同察訪黃州咸興安岳安城瓮津長淵蔚山而  
其爲黃州則白沙漢陰相公舉之也以治最陞通政  
承旨兵曹參議廣州牧使己未嘉善時爾瞻柄國專  
恣公代其婿申之益抗章論劾願效槐里令故事爾

瞻謂公指喉令兩司合啓日以反逆請拿鞠光海不  
從而公竟坐削奪爾瞻甚恨公又潛遣無賴欲害公  
不果癸亥 仁祖反正卽除公刑曹參判兼管籌司  
秋都督毛文龍以軍資罄竭移帖徵壬辰軍餉山東  
米十萬石特差公檄島間安使公至則呈文乞蠲減  
都督讀之歎曰秦庭痛哭賈生至言無以過此卒以  
無事公仍以巡檢使審兩西城池及還朝條陳形便  
及防虜上中下三策甲子适變凶徒李佑等誣告故  
相奇自獻判書柳公亮等三十八人公亦預焉並繫  
獄賊警猝急 大駕將幸公州判義禁金瑬請盡誅

陶菴先生集卷三十八  
之以杜內應延平李公貴爭之不能得公遂以正月  
廿四日被殺人莫不冤之翼年李公貴白公冤卽  
命復爵公長身美鬚髯狀貌奇偉神采秀發少博覽  
羣書精於易理上自乾象下至醫藥靡不通曉忠孝  
素所蓄積與人言必以是二字勉之及蒙被 宣廟  
不世之恩作自勉書帖之門上朝夕自省曰有亨有  
亨無忘 國恩殉國一念炯炯如血遭罹不辰落拓  
不遇及至 聖朝改玉駸駸大用而不幸身嬰奇禍  
抱冤泉壤使假以年得見丙子之難驕虜猖獗亦豈  
至此惜乎其大抱負不能究其萬一也然宣力四方

竭心國事亦可謂不負 先王知遇之明也全氏出  
旌善麗末有侍中遇和其孫賓仕我朝諫議大夫有  
功食邑平康因籍焉曾祖諱壽山壽百有四歲 中  
宗朝參養老宴陞階爲大護軍祖諱誠老賢良科以  
趙靜菴先生薦爲刑曹正郎考諱網進士隱德不仕  
妣河陽許氏從仕郎希哲之女議政稠其先祖也公  
配仁同張氏一男翎進士女適參奉申之益再娶太  
原安氏其考府使鳳二男鋼鏐監役起洙起濂起漢  
中樞都事二女靈安君沐縣監尹塚長房出二房一  
女歸生員張溟起淵起澄起濟監察起汶女適通德

陶菴先生集卷三十八  
郎朴安繼三房出餘不能盡記公字叔嘉號鶴松生  
於嘉靖丙寅享年五十九葬於槐山牛巖向午之  
原卽公所居鄉云

直長鄭公墓表

鄭氏出東萊僕射穆始顯于麗我朝翼惠公蘭宗文  
翼公光弼父子爲名臣公高祖府使光輔文翼之兄  
也生漢龍縣令生純佑府使生象義佐郎是生公公  
諱馨遠字德薰自幼好讀書且工筆翰屢解不中遇  
光海昏亂自屏于湖鄉傷時憂國往往見於詩仁  
祖丁丑蔭補肅寧殿參奉序遷尚衣院直長年五

十八己卯卒公以三歲失母終身哀慕其在父憂歎  
粥廬居雖夜不脫衰經人不見其啓齒尤善事繼母  
性謹厚未嘗言人長短教子孫則以學爲本常曰人  
而不學與禽獸何別也公故家子少時激昂以祖先  
志業爲期而遲回抹掇終不能一有所施嗚呼其命  
也夫公凡三娶南原梁氏水原白氏寶城吳氏玉峰  
光勳之子興南一見公奇之歸以女其歸也服公儉  
德一如桓少君故事男之偃其出而女爲直長李益  
珍士人李肩李挺豪妻者吳出也之偃男行建行敏  
行選弘周郁周衡周生員行建出而郁周後行敏弘

周之子老錫實尸公祀公墓于廣州省達里吳氏祔云

教官郭公墓表

尤菴先生嘗有祭郭教官文其自稱曰門人某公其人也諱志仁字而善郭氏出玄風麗朝有平章事佑賢移封善山子孫遂爲善山人有承旨諱垠尤菴銘其墓於公爲五世祖曾大父訶訓導大父致中父磷皆將仕郎外祖南陽洪世雄公生而有至性家素貧每間父母食未食然後乃食得一味輒忘其口而進之幼失學晚而發憤文辭驟進 萬曆壬子司馬當

昏朝淡居自廢日與村秀子弟講學又多親鄙事嘗自誦曰人遊衣遊食與穿窬者何異公世居沃之九龍村尤菴之考睡翁公流寓其地與公從遊甚樂尤菴方童幼受學於公實在是時云 孝廟朝有以博學力行聞于朝除童蒙教官不就年七十九 崇禎甲辰卒配長水黃氏庭珏女翼成相公之後三男竣有俊才早夭次埰次端長房無後二房男必綱必完三房男必簡必大世濂世澹必大出公葬于同郡赤登江上碁谷之里黃宜人祔墓無刻世澹徒步請余文余辭不敢且曰以公之墓而無尤翁文字者何哉

陶菴先生集卷三十八  
曰先生蓋嘗諾而未就矣余曰雖然余嘗讀其祭文矣其論公性行則曰正直曰真率誨人則曰嚴規繩其言約而該可以徵信於百世且使後之人知公爲尤翁所嘗師事者則不問可知其賢又何有於余言世澹起拜曰唯唯請歸而刻之碑陰云

別提羅公墓表

羅氏起羅州仍著籍爲州人自麗至我朝累百餘年簪纓不絕有曰昶司憲府持平選湖堂是生部將士惺生護軍德讓寔公三世公諱海鳳字應瑞少受學於姜睡隱沅文辭優長 萬曆丙午進士昏朝嘗一

中第爲凶黨所嫉拔去自是不復應舉癸亥改玉舉遺逸除寢郎不就後又除禁火司別提黽勉一謝而歸谿谷張相公維嘗出補本州相得歡甚有酬唱詩什谿谷賞公精詣公素癖於書雖行道溷廁之間亦口誦而心惟老而尤嗜易潛心玩索至死不休云始州人有附麗爾瞻者爲讎 母之論欲藉公爲重公正言折之聞者縮頸丙子南漢之受困也公慷慨草檄義旅四集臨途疾作使子俊代領而行無何和事成兵亦罷歸公痛泣作詩有吾其被髮之句忠義凜然惟此二事足以蓋公平生矣然又聞公嘗廬墓三

隋書先生集卷三十八  
年既畢扁其廬曰終慕金察訪璇州之善士爲作記  
盛道公之孝嗚呼此其爲節行之本也歟公生於某  
年某月某日歿於某年某月某日葬于州東石峴室  
咸豐李氏坤之女後公二十年歿而祔四男俊其長  
參奉次休進士任倬側出曰仁遠器世器重器郡守  
長房出端器冕器鼎器九器四房出曾孫曰夢奎炳  
奎進士燦奎炯奎聖奎瑞奎煥奎會奎兌奎漢奎玄  
孫曰廷佐廷輔廷泰廷軾進士廷一廷弼廷夔廷益  
也是爲表

同知鄭公墓表

公諱東燁字子晦長鬚人高麗安宗駙馬子皮之弟  
子輿是其鼻祖自後圭組蟬聯訖麗代不絕五代祖  
諱自悟奉事高祖諱世榮參奉曾祖諱承周成均館  
司成祖諱晉生進士參奉 贈承旨考諱霽 贈戶  
曹參判外祖尙州朴允誠監察公生于 嘉靖癸卯  
二月二十七日卒於 肅宗乙丑十二月二十四日  
壽八十三辛卯司馬甲午明經及第歷成均館典籍  
司憲府監察刑曹禮曹工曹佐郎奉常寺判官外則  
禮安眞寶縣監銀溪道察訪壬戌由司藝陞通政僉  
知中樞府事乙丑嘉善同知中樞府事公資性溫雅

處事詳慎孝於父母友于兄弟信於朋友喜怒不形於色平生不喜言人過失在鄉黨與人無忤不設畦畛雖於敵以下未嘗斥然呼名皆得其歡心平居飲食起處咸有節度家貧或至屢空而無憂色惟日看書史興至哦詩而已居官廉謹自守去後輒見思公凡再娶固城南氏光州金氏初葬公州之香芝山後移卜于大烏洞金夫人祔南夫人墓在香芝男女各三人奉行泰成泰重女將仕郎崔俊元士人宋相鼎宣傳官閔敬三其婿而長女元配出泰重男世衡世輔世采長房無子以世輔爲後二房亦無子以世采

爲後世衡男來僑是爲表

左參贊李公墓表

牧隱先生有真在漢師世傳參贊公惟肖公其十世孫也及得尤菴先生所爲公大碑讀之則不獨貌如之忠厚謙恭不愧爲牧隱孫矣公諱弘淵字靜伯怡愉堂德洙之子風玉趙先生守倫之外孫風玉有孝子滌公幼而就學又從鄭畸翁趙竹陰游文藝夙成甲子生員遊大學上章論元宗追崇非禮及設慶科不赴又周旋粟牛二賢從祀之議士論推重除義禁府都事翊衛司洗馬侍直從難于南漢丁丑秋擢



附錄先生集卷三十八  
第歷禮兵二曹郎成均館典籍直講司諫院正言司  
諫司憲府持平掌令執義侍講院文學輔德軍器司  
僕寺正以書狀使燕壬辰通政癸丑嘉善禮戶兵刑  
工參議參判政院則同副至都承旨掌隸院判決事  
漢城府左尹累爲大司諫於外扶安富平淮陽舒川  
觀察黃海江原忠清京畿等道而忠清則再焉間值  
蔑貞自以世祿臣未忍去庚申用讞獄勞當陞一資  
御筆超階遂拜知中樞判工曹移議政府參贊仍入  
耆社一日朝下堂而躓 上命中人掖出又醫問癸  
亥特加崇政以年八十是歲三月廿六日卒遺戒子

孫母墜先業初葬清州後遷于燕歧大谷某向之原  
元配全州李氏副提學好信女後夫人商山金氏監  
司尙女皆耐公內行醇備事親無違志篤於天倫推  
以及之宗黨育才恤孤如不及喪祭務盡哀敬墓隧  
無闕刻居而色不惰老而心彌恭官高祿厚而產業  
無所加器用取朴素與人由由然中有所守其在臺  
省賊臣自點挾虜勢六使壓境舉國震怖時有自點  
請竄之啓衆勸亟停公爭益力自點遂竄乙卯文谷  
之謫也公以知申上疏伸辨卒被譴治民主於實惠  
不求赫赫名嘗曰善在已知不知在人又曰處謗貴

自反是以立朝五十年遲徊冗散或遭橫逆而無怨  
惡於人杜門觀書泊然自持榮辱屈伸一聽於命噫  
世之詡詡喜馳逐賭名聲爵位而自以爲能者可以  
知愧矣絳牧隱之彌甥也曾王父與怡愉公善又受  
學于風玉實有累世通家之好公孫經歷秀衡以阡  
表見屬顧尤翁之文足以不朽安敢贅一辭謹揭其  
言行之大者如此而氏系子孫已載大碑不復詳云

僉正洪公墓表

公諱處溪字子淺南陽人遠祖悅高麗太師自後累  
公累卿代有聞人忠平公諱灌匡定公諱奎最著入

本朝有諱敬孫號友菊同知成均再傳而石壁諱春  
卿觀察使是爲公高祖曾祖諱逸民縣監 贈議政  
府參贊祖諱永弼進士 贈吏曹參判考諱命元京  
畿觀察使 贈贊成號海峰文章標望伏一世妣坡  
平尹氏副護軍民俊之女有五丈夫子公於倫序居  
二而參判處厚監司處尹知樞處大卽其伯若叔季  
也公以 萬曆甲辰生癸酉中生員翼年先執有在  
銓者以公奉老居貧授 顯陵參奉黽勉一就無何  
棄去戊子除金井道察訪壬辰移尚瑞院直長陞掌  
樂院主簿甲午由司僕寺判官拜南平縣監乙未丁

陶菴先生集卷三十八  
內艱戊戌除工曹佐郎庚子爲安峽縣監乙巳瓜遞  
民立碑頌之丙午又入工曹爲正郎陞司宰監僉正  
出爲陝川郡守己酉罷歸庚戌拜左水運判官辛亥  
三月二十一日終于第享年六十八後用仲男從勳  
贈承政院左承旨公姿稟醇厚器度崑偉事親有至  
行與兄弟處湛樂無間宴坐未嘗敲側子弟侍側咸  
肅如也非有問不敢言蓋其家法然也文藻夙成且  
工筆翰謂可以髭摘一第而時命不耦遂困公車浮  
沉祿仕莫展素蘊所可見者惟郡邑之政而亦不爲  
皦皦之名煦煦之惠持己以恬簡撫民以誠愛以是

去後輒見思平居罕出入性好學至老猶手不釋卷  
其視世之馳逐矜衒者若將浼焉以公資地材器而  
仕止於是者蓋有以也然而此可以觀公大略矣配  
淑夫人羅州朴氏參贊錦溪君東亮之女涉書史通  
大義有女士風治壺井并有法宗黨稱以女士後公  
十年卒壽七十七舉五男二女男受恆進士受泰生  
員縣監受濟進士正郎受晉 贈吏曹參判受漸文  
科壯元府使女孟冑瑞右尹崔錫齡進士受恆無子  
以從子禹僞爲後進士縣監受泰男禹龜女牧使李  
喜聃受濟五男禹賢進士司果禹天禹僞禹傳禹宣

陶菴先生集卷三十八  
禹傳出後受晉文科方觀察嶺南受晉四女李敏英  
宋必熙監役尹直教李宇恆生員受漸男禹文女沈  
廷瑞進士羅演李莘輔側出女李雲植孟胄瑞男萬  
益萬澤大司諫萬錫縣監女李尚謙侍直崔錫齡所  
後子昌億都事內外曾玄不能盡載始公葬廣州及  
夫人喪移祔通津乙丑又改窆于忠州德靈山負午  
之原

牧使鄭公墓表

鄭公時亨以循良有名 顯 肅兩朝老而退居江  
湖之上士大夫高其風致年八十一卒葬于公州半

灘山夫人文化柳氏祔焉公字叔夏光山人丁酉司  
馬翼年筮仕義禁府都事桃源察訪濟用直長活人  
別提司憲府監察刑曹佐郎工戶二曹正郎翊衛司  
衛率漢城判官庶尹繕工副正外則公山富平海州  
原州而以大耄陞通政終於僉知中樞府事此其踐  
歷也公才長剗劇考郡守公屢典郡邑事有難決輒  
以咨公晨昏之助爲多及登仕殫心盡職金公佐明  
閔公鼎重剛明有威郎僚鮮可意獨稱公幹局其爲  
金沔二郡也請還仍前任公爲治簡嚴斤斤守法不  
苟一時譽所至百弊如洗吏畏民懷近世數良吏輒

以公為最少工文翰謂朝暮取一第而屢入彀不售  
浮沉祿仕而非其志嘗因雷變揀人才六七公與焉  
蓋朝議知公為廊廟器而終亦不能大用也已已之  
禍痛倫彘晦蝕大歸林泉跡不近城市水榭林亭偃  
仰自適客至引觴吟哦以暢其壹鬱未幾朝著更新  
而仍臥不起嗚呼觀人當於晚節此足以得公大致  
也然公內行甚篤孝於父母睦於宗族自治又甚嚴  
不以造次而或懈接物以信處事以義鄉隣有失惟  
恐公或知婦家富而無嗣欲託後事於公仲子公堅  
不許勸令取其姪為後其淡於財利又如此始祖臣

扈高麗贊成入我朝代有圭組應教熊 中廟初史  
官請直佔畢濯纓之寃生應圭水使生演同知中樞  
生保門縣監郡守公其子也諱維當廢朝有樹立其  
配咸陽朴氏奉事澣之女柳夫人考曰東發縣監柔  
婉儉勤甚有婦德舉四男一女男徽蔭縣監徵文科  
正郎出後其伯父敏武科府使敷金溪其婿也孫曰  
五常五行五叙五教五俊五德五鳳五奎五緯五雲  
外孫曰相華相烈相顯相哲云五奎樹表阡上屬余  
為文蓋公為公山時吾祖議政公為方伯相得甚歡  
每惜公屈於百里兩家子弟又相與講好不衰矣余

陶菴先生集卷三十八  
雖不及拜公而亦稔聞其行業略叙其大者以歸之  
直長韓公墓表

清州之韓爲東國望族其一支之居於安城者自愜  
素齋師事牛溪以來其後孫大率重儒學尚德義有  
諱如琦早遊慎獨齋金文敬公之門尤菴同春先生  
咸愛重之以精一扁其堂者春翁筆也又以郡有沙  
溪文元先生遺愛爲泐書院而祠之尤翁於院傍詠  
歸亭記盛有所引重焉公嘗以家禮及要訣祭儀質  
于二先生名之以二禮抄以爲一家遵行之規公性  
至孝自幼愉色婉容愛敬備至甫十二而孤顏色之

憾哭泣之哀無異成人弔者皆悅服母自以未亡爲  
慟猶行素於三年之後公勸以甘旨而不食則公亦  
涕泣不食母憇其疾而感其誠遂強從焉朝夕具飯  
必躬執炮燂之任審其可口而後進之未嘗一日離  
側母病沐浴禱天裂指進血旋獲差愈及丁憂居廬  
致哀一日大風公之所居廬幕頽傾隣里之人皆認  
公壓死驚惶來救入見之則公之所着孝冠爲樑木  
所壓中絕而公則在於空隙處一身全無所傷人以  
爲誠孝所感每日拜謁于廟門之內老後蹉跌傷足  
始廢晨謁以爲終身之恨鄉人以公學行聞於朝拜

厚陵參奉遷繕工奉事又遷尚瑞直長辛未爲壬人所嫉罷歸鄉庄己丑爲公回昏之年行重牢之禮聞者歎曰仁者必壽果然是年七月二十五日終于精一齋春秋八十以九月葬同郡狐峴壬坐之原朝家嘉其至行追有旌閭之命愜素齋諱孝詳愜素之子必震禁府都事公之祖若考也配全州李氏都事士淑之女不育以堂兄如晦子廷羽爲後孫聖時亦以孝行 贈司憲府持平次聖朝聖時無子以聖朝子命益爲嗣聖朝有四子命益命稷命夔命龍命稷從余遊者來乞公表阡之文略書此使刻碑陰

察訪宋公墓表

公諱基德字君積恩津人尤菴先生性嚴子弟少可意獨許公淡凡有所使反命未嘗不稱善公又請業於同春先生同春日之曰是頗類其家仲父者蓋指尤菴也公沉毅愨實與人無表襮早廢舉杜門自修用薦者辛酉除 寧陵參奉居數歲母疾歸公素忌痘而不肯避旣丁憂染痛幾危尤菴與書曰汝冒死奔異顏之急天必福汝無憂也果然後復除桃源道察訪不以官卑而自懈斤斤守法仕幾滿遇己已禍棄歸隨尤菴入耽羅又隨至于楚山臨命顧公

曰吾於先代事無餘恨惟三賢閭未及豎石此汝曹責也公涕泣受命未周歲克成厥志公事親能順而爭奉祭不豐而潔居鄉則租稅必先於人持己嚴正尤嫉惡不回人雖親而不敢狎自少好學手不釋書晚以履冰名其齋其終身敬畏可知也 肅宗壬午閏夏卒壽六十九葬于某郡某原睡翁諱曰甲祚有大節五丈夫子郡守諱時默府使諱時杰序居二居五郡守配加平李氏奉事著生女公其仲子而府使取以爲後公凡再娶昌寧成氏綾城具氏男圭錫早歿康錫出後其季父有學行參奉參議李蓄士人李

思齊其婿季曰勛錫具氏出長房男河源命源永源二房男潭源淳源洙源滄源三房男弘源元相保相一相雲相舟相梅相漢相其曾孫也蓋聞尤菴嘗以孝廟密札授公曰可堅守之也乙卯先生之北竄也禍將叵測子弟欲以此上聞以冀其萬一先生申勉之曰汝目可矐此書不可出也親友願一見至有下庭跪請者而公執不許後史局將收入 先朝文字先生索還之則公躬往以獻若公者可謂不負寄託而先生亦知人乎哉公之忠信可仗如此惜乎其不見用於世也勛錫徵余樹阡之文余生也後不及識



公面而其平日見許於父師者皆可徵斯足以不朽於來後矣書此以歸之俾刻于石

判書西浦金公墓表

肅宗丁卯金公萬重以知經筵入對言事觸上怒下廷尉問已而竄關西地宣川府時大臣金壽恆等承命卜相四加其卜而不稱旨入對申請則上特舉趙師錫以命之蓋後宮張氏新有寵閭閻盛言師錫拜相由於夤緣私逕公慨然曰吾君聖明豈有是耶然巷言沸騰而舉朝含糊終恐為聖德之累乃悉陳無隱仍勉以修齊之道及上面詰則

對曰臣視君如父母既聞是言不敢不聞也尤菴先生聞而歎曰夫人不言言必人所難言時逆杭以近宗連結宮掖席寵驕恣公欲并論而不及臨行有詩見志居謫二歲因赦放還至己巳羣凶得志請究問言根以中上意公復下獄以實對而終不免拷掠尋命議啓遂貸其死梲棘于南海島中公自以腹子生不識父面為終身痛事母尹夫人有淡愛其所以娛悅親意者殆類古之弄雛兒啼以夫人好書聚古史異書以至稗官雜記日夜談說左右以資一笑自少至老非有公故未嘗去側其異宮之後則每日

陽春先生集卷三十一  
早朝往省人定時方還隣人竊識之一不蹉失公之誠孝如此而爲國盡言則不以親老自解始公之赴謫也夫人怡然曰嶺海之行前修所不免行矣自愛勿以我爲念聞者莫不出涕公之在南海夫人卽世公號絕如不欲生朝夕設位饋奠若孺子泣者島人爲之傷歎毀極而疾甫外除而卒實壬申四月三十日也公字重叔號西浦光州人沙溪文元先生諱長生爲世儒宗其孫益兼生員狀元有士林重望丁丑江都之亂自焚死褒贈司憲府持平公其子也尹夫人吏曹參判墀女持平公立懂後一月公生尹夫

人以鞠以教未離乳已學書英達夙成十四歲發解十六中進士一等時尚未娶二十九魁庭試例授成均館典籍歷諫院憲府春坊玉堂吏曹郎知製教嘗論斥相積之奸配金城乙卯通政以承旨又論鑄穆被譴削及叙猶在通塞間庚申更化凶黨屏黜公復爲承旨遷大司成兼承文副提調入文衡薦望仍擢授弘文提學同知經筵屢爲大司憲副提學與修顯廟實錄辛酉嘉義癸亥資憲甲子正憲尋陞崇政參贊禮判移兵曹力辭遞再爲大提學皆不拜其爲知經筵則在丁卯公貌若不勝衣言若不出口而其

中確乎有賁育難奪之勇事苟可論不憚權貴之勢  
不恤親友之好其在講筵辭氣和潤講說明晰一時  
稱以真學士 孝肅大妃偶從牖間見 顯廟開筵  
值公進講亟稱尹夫人之能教子云前後告君之辭  
皆主直截而又從容懇至雖於雷霆摧壓之下愈益  
安詳嗚呼氣質之偏久矣若公溫恭方直之並有而  
不偏者豈易復得哉况人有一才一藝動必沾沾自  
喜而公則淹博之識貫穿天人而歉然若無能然權  
要清華之地世所奔鶩干冒者而公獨視如敝屣超  
然不居雖處廊廟之上而蕭然若山澤之癯是不特

高於人一等而已公之詩文天才至高原於風雅參  
以離騷殆古所謂一唱三歎而有餘音矣嗚呼古人  
有言死生亦大矣丁卯之事公非不知言出禍隨而  
其心只知吾君之爲可愛都不見刀鋸鼎鑊斷斷血  
衷可以質天地鬼神而無愧也余嘗讀九歌天問之  
屬而哀屈原之忠原固過於忠者然蓋亦不幸而不  
遇時耳乃以我 聖考至仁至明而卒使公懷忠抱  
冤死於侘傺鬱悒之中嘻嘻天耶人耶甲戌用 恩  
例復官致祭其後又以大臣言 命旌公宅里曰孝  
子之門而卒無一人舉前事以白公心者益可悲也

陳者先生集卷三十八  
余爲近世名士大夫銘多矣於公實有九原可作之  
願首揭其忠孝大節於碑陰以示來茲公始葬廣州  
辛卯移卜長湍大德山下云

縣監李公墓表

余從幼少時數拜李延豐戚丈公古貌古心殊無一  
點塵俗氣余雖蒙駭無識亦能知公篤實好古君子  
人也公歿後三十有餘年其外孫鄭氏子擴來示公  
家狀一通而後始得其詳公諱萬亨字子夏我 太  
宗大王別子孝寧大君補之後也至明源君諱灝屬  
籍始盡於公爲五世曾祖諱卿雲文科寺正祖諱光

遠有孝行考諱益賢丙丁後廢舉自靖娶縣監昌原  
黃植女以 仁祖戊寅生公年甫勝冠已有爲己之  
志以親命執贄於尤菴先生先生之門游學者衆而  
於公亟稱其真實刻苦自是遂棄公車業專心學問  
自漢師移寓於金陵村舍躬稼以養親親歿以善居  
喪稱乙卯羣凶得志先生以禮訟被誣竄于北塞公  
慨然獨上疏訟辨仍悉暴當路者罪惡喉司沮抑不  
得入俄而尹鐫肆然陳疏言李某之疏不可不現出  
科罪自禁府行關金浦使之押來公達夜被驅至喉  
院索前疏則已焚毀之矣授紙筆令誦寫以呈 上

陶菴先生集卷三十八  
覽之卽命邊遠定配公行到金城聞相積謂取旣退  
之疏勤以重律有損國體請收還但施儒罰公直還  
鄉廬愁居懾處日以書籍自遣庚申堅柙等謀不軌  
伏誅鑄黨逆黜朝著清明先生蒙宥還鄉公往操几  
杖尋理舊聞癸亥用經明行修薦除 章陵參奉序  
陞繕工奉事李相國尙眞爲提舉所行多法外公輒  
引義爭之不能得便棄去己巳羣凶復大逞 聖后  
遜位先生柙棘絕島旋受後 命公痛惋如不欲生  
與同門諸人抗疏訟寃而不見徹則輒相率痛哭于  
敦化門外政院請拿問公納供以爲守闕之哭自有

故事此出於寃憤不得已者云 特命嚴刑二次後  
發配備嘗毒楚辭理終不撓踰月始出謫于固城固  
是南方風土之最惡處公居之若清涼閉戶看書生  
事苦淡而不見憂戚之色甲戌 上大悔悟 坤位  
再正先生誣讎昭雪復官賜祭公亦放還旣叙卽拜  
恭陵參奉公不樂仕進一謝旋褫乙亥復除 健元  
陵參奉先是公以 園陵祭享素饌之非禮上疏請  
釐正該曹防啓公以爲官無大小不得其職則可去  
遂辭褫至是復拜又申前請且陳尊攘大義請 宗  
廟先聖及各 陵告祭祝文勿書彼人年號只以某

陶者先生集卷三十八  
年于支書之復下該曹該曹復防啓戊寅移拜世  
子翊衛司洗馬翼年陞掌樂院主簿公慨廟樂之  
多顛錯疏請一一洗正下該曹議又寢不行由義禁  
府都事出爲延豐縣監延當烏嶺要衝公至則條陳  
關阨利害請築城烏嶺令各邑輸納軍餉上下優  
批廟議抵牾亦不見行六歲居官不求虛譽全務實  
惠民磨崖以思之丙戌某月某日卒于金陵之書齋  
春秋七十一公天分既高而又得大賢爲之依歸愛  
好人倫而尤篤於生三事一之道死生榮辱之與同  
而所操采堅不卑小官而輒盡夫職思其居之義流

俗非笑之不恤而有懷必陳其論 廟樂 陵享之  
失關防制置之便動皆中窾類非拘儒俗士之所可  
及苟非體用全備之學惡能若是也哉其行與不行  
在人而不在我從古聖賢之所不能必公其如之何  
哉公家本清素端居講學之外無一物之嬰懷律已  
公廉處家儉約其教子女每道先賢遺法又必戒以  
不追時好閨閫之內儼若治朝而亦不失溫和之氣  
焉配梁氏文襄公誠之之後應濂之女一男億齡早  
卒無子有一女適士人鄭杵死後取族子顯郁爲嗣  
顯郁亦夭有二男皆幼女適縣監尹志仁次適士人

陽谷先生集卷三十八  
鄭五岳擴其子也側出夢齡亦蚤死婿曰金輝遠有子炳甲擴以其母氏命求公樹阡之文嗚呼古之中郎有女而亦未聞此事其亦奇矣遂書此遺擴使刻之表陰

參奉吳公墓表

肅宗己巳陽谷吳公爲國母諫而死上震怒命並錮子弟姪若壻其季斗奎以仁寢郎亦革職歸陽城先墓下痛傷摧剝如欲無生竟以翼年四月二十四日病卒葬于陽谷公墓之左崗後四歲上大悔悟坤位遂正於是贈陽谷領議政諡忠貞且

表其門而公不及見矣公字輝卿以崇禎庚辰生風儀秀美姿質溫醇少負志氣當事敢爲先輩多期以遠到不幸無命四十八成進士五十霑一官未數月禍作卒不能有所試惜哉曾祖定邦慶尙右道兵馬節度使光海廢母后時卓有樹立祖士謙宗親府典簿考翔司僕寺主簿贈吏曹判書妣完山李氏領議政陽元之曾孫父曰牧使復匡公娶南陽洪鏤女男長經周次緯周縣監女歸進士李祉億士人金胄豪綱周維周側出經周男曰珣曰某緯委禽陽谷公之門公歿已數載外姑黃夫人常稱公事二兄

如父推而及於羣從皆得其歡又善居喪夫人有女士識其言固可徵及從公二胤遊皆以孝友承家益信公有諸已而裕于後也經周樹石于阡屬余爲辭略叙見聞如此後之人尙或有考焉

佐郎李公墓表

有位卑於潛郎而行高乎古人者李公琨字致遠是已公原州人曾祖承頹參奉祖懔不仕考應漢果毅校尉世居原州至校尉公始遷于廣公幼事吾外王考閱文貞公兄弟受讀小學書一言一行動以是爲法年甫十二遭校尉公喪常居倚廬執喪如成人身

不脫孝服哭不絕於口人稱孝童其病時公割兩指出血以進校尉公絕而復甦曰灌我口者何物耶其味清利沉痾如失矣病間思食生魚而時天寒冰凍公又指瘡甚乃跣足踏冰彷徨涕泣忽於冰穴間有魚潑刺遂刺取之人謂之孝感公奉養偏母家貧菽水不繼乞貸於原州負米而至廣廣與原三百里觀者愍其勞多有願分其任者己酉擢明經及第內則成均館典籍司憲府監察工曹佐郎兼春秋館記事官外則良才道察訪宜寧縣監瓮津縣令保寧縣監陰竹縣監其履歷也公仁心惻怛家有一斗粟則見



陸者先生集卷三十八  
人之飢輒分與之身有一襲衣則見人之寒亦分與之歷典五邑秋毫無所犯親族聞公褫官每灑掃一奴家聚米以待之曰是子本無屋可居無糧可食也丁丑六月自陰竹罷歸利川邑底十月二十日卒年五十七返葬廣之沙村異向之原從先兆也其治喪葬皆以親舊賙賻而爲之子孫亦貧無以爲生鄉人歎息言廉吏何可爲也公性節儉冬不衣紬夏不衣紵爲邑宰食不重肉其在陰竹邑本至殘而值乙丙大饑洞開官門以延親舊來者每朔以料米分於親戚朋友死亡之家凡數十處公歿後幾年廣之人以

公孝行呈文本府請轉聞于朝以旌表之公議可見也配水原崔氏天憲女先公二年歿葬在原州途道里未向原亦公之祖墓右麓也無嗣取兄子文炳爲後一女適進士邊頊文炳二男塋塋側室子二人文煜文燁文燁子埕城城出後文煜余嘗及見公於伯舅趾齋公座上蓋重厚長者人也又竊聞公嘗被劾於臺官呂必容趾齋公遇呂於闕中爲言李某居官清白不畏強禦君劾之誤矣呂卽自劾其論事不審噫趾齋公非阿其所好者惟此一言可以蓋公平生而况其出天之孝尤爲卓異有足以勵俗而範世者

略書此以遺文燁使刻于碑陰云

同知李公墓表

公諱寓字失傳牛峰人高祖諱緝司憲府執義曾祖諱世銘己卯名賢官洗馬號慮齋祖諱僦經歷贈參判考諱義元同知中樞府事贈參判妣陰城朴氏俊女忠愍公淳之後公以仁祖戊子生自幼有至行嘗得生梨獻於同樞公同樞公使人覲之梨樹高大不可摘取公甫六歲至樹下祝曰天乎天乎願落梨子欲饋我父母梨果落地懷之以進親疾嘗糞禱天嘗往交河地得生魚欲供親冒夜疾歸供養之

誠大率多此類初仕除順陵參奉嘗於驟雨中遇

一神童使賦詩有甲七始人驚之句後歷典獄奉事

宗親府典簿平市令尚衣僉正外則祥雲道察訪

孝宗乙未三大臣白公至孝特命旌閭時公年六

十七神童之詩果驗公晨昏必拜謁祠堂非甚病未

嘗或廢遇喪餘則行素一月自少至老如一日陞嘉

善同知中樞府事卒於柏洞正寢享年八十八夫人

南陽洪氏無育取族從弟子後膺為後又無嗣有繼

子滌滌亦有繼子曰濟華一女婿直長安五星其子

如岱進士余以同宗後生猶從故老稔聞公行諛而

家乘散佚無可考者只以一二所傳略叙爲文以授  
濟華使刻于表陰云

右議政閔公墓表

今 上幾年賜故議政閔公鎮長諡曰文孝公老峰  
文忠公之子也自文忠公之考觀察公至公爲三世  
壯元及第文忠公相我 肅廟卒未十年公又入相  
士大夫以爲盛事然是則於古或有惟父子以忠以  
孝以大光我家邦者蓋絕尠矣近世易名多踰實至  
公兩世舉國無異辭嗚呼文忠公可謂有子矣公字  
稚久頎而美髯心平氣溫動有威儀己酉司馬始蔭

補 英陵參奉典設司別檢義禁府都事工曹佐郎  
爲砥平陽川二縣丙寅別試資窮陞通政判決事承  
旨參知乞外得楊州尋復爲承旨己巳禍作文忠公  
榕棘西塞以卒公扶襯而歸居廬致哀甲戌更化  
上首復文忠公爵公纔免喪特除禮曹參判間移戶  
工及都承旨乙亥資憲判刑兵戶三曹漢城府知中  
樞參贊大司憲守禦使戊寅判義禁尋加崇祿庚辰  
正月晉拜右議政公疾已甚不能肅 命以三月十  
六日卒 上震悼輟朝庀喪如儀初葬驪州後移卜  
廣州雲吉山負辛之原夫人南氏祔公生有至愛文

忠公性嚴幼而課業數加箠撻公愈益婉遜每夕自  
爇火寢所以節其涼煖其侍疾也十年不解衣帶謫  
居無婦女食飲廁踰之節一不委於人大夫人憂悸  
得心疾公始聞涕下如血及就文忠公側和顏愉色  
如未始有憂者晚年公務鞅掌每晨赴衙必先朝大  
夫人爲之沃盥辨髮且進粥飲公退又反面大小吉  
凶遠近出入必一一告知不以其未能省悟而或廢  
也與人強言笑而隱痛在心醉或繞膝吮乳爲嬰兒  
戲公卒大夫人猶無恙朝廷月致廩又用筵臣言旌  
公閭由是一世皆知其孝然公之所以爲孝者蓋不

止此曾子曰事君不忠非孝也莅官不敬非孝也夫  
人道莫大於忠孝而忠與孝本無二致文忠公曾所  
効力於王家者一皆裨遺於公而公乃一遵樂渠綽  
有成績至若丙丁之饑甚於辛亥而至誠濟活以配  
于前休都人至有望軒攢手而祝之者 肅廟每愍  
公盡瘁成疾歿後追念不已公之爲臣可謂忠且敬  
矣文忠公剛毅公則寬和規模似若不同而其竭心  
奉公死而乃已則蓋未嘗不同而其淡仁厚澤之喻  
於輿臺走卒之心則又文忠公所未得於人者公之  
孝於是爲大世之徒以事親爲孝者烏足以爲孝哉

附錄先生集卷三十八  
觀察公諱光勳文忠公諱鼎重文忠公凡再娶平山  
申氏其元配而公外祖觀察使南陽洪公處尹也南  
夫人判書二星女聰明簡潔有女士風五男三女在  
洙正郎啓洙判官安洙學洙德洙有雋才皆夭佐郎  
洪重錫判書朴師益牧使李滋其壻也百男百能長  
房出二房三房男百朋百徵亦皆夭百男縣監有二  
男冠者曰克烈百男將樹表墓前屬絳爲文姑叙其  
行業之大者如此若乃本末備載當有大碑云

右議政金公墓表

壬寅逆鏡秉國首請追隆私親廷議靡然仍議于大

僚 肅廟舊臣竄逐盡獨領府事金公宇杭以疾家  
居奮然斥之曰此反經之論也議上辭義嚴正時禍  
色日急子弟賓客迭諫則曰我不敢負我 先王公  
持論不喜矯激於人無怨惡人或病其太寬至是咸  
心服君子曰觀人當於晚節信哉公字濟仲金海人  
崇禎己丑生二十一進士三十二捷明經科由槐院  
屢爲司憲府持平司諫院正言其謫鐵山則坐救吾  
叔祖都憲公爲己巳人所擠甲戌彙征弘文館修撰  
校理遷司諫執義侍講院司書弼善輔德陞通政歷  
七八官承政院承旨及大司諫選也於外則淮陽南

陽其進者全羅觀察使開城府畱守公善理劇務革  
弊利民所至有遺愛或繪像以祠之再爲都承旨周  
流諸曹爲亞銓者數大司成公夙有公輔器度而立  
朝寡援又冲默自守晉途多在通塞間績用旣茂  
上知日淡以京畿觀察使特除刑曹判書自後四五  
年迭長戶兵吏三曹間爲判尹左參贊兼守禦使公  
奉職勤恪持大體前後在度支久以節用裕財稱癸  
巳由禮書 御筆除右議政公拜稽辭 上曰母子  
知卿寬厚公平常患良役偏重以爲必可變一日侍  
宴反復陳白至於出涕觀者謂酒悲不知公至誠憂

民如此又嘗請修築都城議皆不行後復極論蕩春  
設城之非己亥 上遵 太祖盛事八耆社與宴者  
十人相臣李公濡金公昌集及公俱中表親一時榮  
之 上以公善飲別賜一酌退輟御樂以送 肅廟  
禮陟公痛隕欲無生始公與李整同爲庭試試官及  
科獄發整以歷抵舉子竄死其家人爲訟冤援公爲  
證公仍乞更核用情虛實一時疑謗哄然卒以此去  
位辛丑八月 命招大臣公病甚不能進以短劄待  
曙埃罪是夜建儲公不知也時議素不快公謂劄中  
無賀辭拮據請罪公迨然不以介意已而士禍作四

相臣將陷不測公心愍其寃上劄救之力主好生之論且論臺官不可鞫尚儉謀危 春宮事覺輒徑誅之以滅其迹公請明覈以快神人凶黨已仄目比獻議鏡尤咆哮卒亦不能害公也誣獄繼起恐公復有言有唆人詬斥者公乍出城興疾還竟考終于城東第癸卯三月四日也 上輟朝舉哀今 上乙巳賜諡忠景公篤於內行母夫人危癘公斫指灌血獲再甦卒享大耋事兄如嚴父姊妹俱窮困月割俸周之平生無傷人害物之意官位崇高儉恭自持作事慎重爲經遠圖不求赫赫聲口不道黨論有問者輒雜

以諧笑人莫測其涯岸然關國家大計斯文是非必抗言不諱蓋公天姿和順恂恂若無能而內守確然有不可奪者黨禍斬伐之際卒全其身又不失令名也宜哉曾祖諱盡善義禁府都事祖諱德承司諫院獻納考諱洪慶府使妣安東金氏承旨光赫女 寵贈皆視公秩公夫人光山金氏父曰 贈承旨世禎事君子無違德先公六年年六十九卒與公祔男俊熙出後其伯父彥熙牧使女適畱守宋正明牧使李思悌武參判申光夏郡守沈寶賢郡守李著選側出晚熙允熙也俊熙男遠祚進士判官彥熙男基祚宋

附錄先生集卷三十八  
正明男翼輔文科監司李思悌男奎明奎采文科正  
言粹嘗忝郎僚素服公德量彥熙將樹石來請文遂  
叙此碑刻于陰長湍龍頭里實公先兆公嘗有墓道  
役松都人越境出力以助之公葬時又老幼相扶攜  
執紼雪涕而去癸亥遷葬于局內坐子之原云

經歷宋公墓表

公諱茂錫字希周尤菴文正先生之孫也考諱基泰  
同知中樞府事妣完山李氏同知敦寧挺漢之女兒  
弟五人序居其三公氣度不羣市南俞文忠公榮見  
而器之歸以其子吏部郎命胤之女公幼鞠於外氏

敦寧公憐其喪母別爲公營一家產及歸庭一無所  
取人以為難始攻舉子業甲寅時事大變即去之仍  
遇己巳之禍屏迹鄉里無意於世甲戌更化除繕工  
監役歷掌樂典牲司僕主簿造紙典設別提義禁都  
事 宗廟令江華經歷外則龍宮縣監永川載寧郡  
守其爲治嚴明簡約省賦調饑出於誠心絕不徼聲  
譽在龍宮御史上治理第一去時民有涕泣以送者  
公始以親老黽勉祿仕而非其志自載寧罷歸不復  
近城市 肅廟戊戌二月四日卒年六十七公持已  
謹慎不近聲色不喜華靡言論峻正不與人苟合事



同樞公備盡志物之養又推而友于昆弟睦於宗黨見人年老窮急者拯濟如不及其行誼之篤如此蓋公於先生實有終身之慕禍變以後未嘗一與宴樂嘗使人讀先生年譜至井邑時事聲淚俱發讀者不忍盡卷同樞公在邑時先生有書戒以行李如洗公佩服不失每得邑必以是矢告於先生之墓凡有一言一行輒蹙然曰此於先訓何如也其教子孫亦以謹身守義爲法嗚呼詩云夙興夜寐無忝爾所生此公之志也歟公卜居清州華山實先壠而先生所命也歿而仍葬焉俞淑人耐淑人明粹端莊有女士風

後公十四年卒三男三女和源先公死文源真源士人李著聖金廷澤縣監魚有成其婿也和源文源各一男台相奎相真源三男箕相餘幼李壻子匡濟普濟真源將樹石墓前請余一言余後生蒙昧何足以知公竊聞先生在時嘗許以忠實樸直噫人而得此於父兄已難矣而况於先生乎此可以蓋公平生無復改評矣盍以此歸而刻之

### 主簿金公墓表

全義縣北高道之村有封四尺而崇者曰長興庫主簿金公諱恒壽暨令人牛峰李氏之藏也金出新羅

王子興光世爲光山人爲平章者八代有諱若時麗  
季忠臣累世而有觀察使止男光海時抗清議有名  
公其玄孫也祖諱宇仁縣監考諱萬翼佐郎妣善山  
金氏府使宗泌之女公才氣夙成八歲能作詩九歲  
通小學及長委禽于打愚先生之門先生器重之戊  
午生員自是遊太學力持士論已巳打愚先生遭禍  
兩子同死公爲經紀後事公始從先生家焉後移築  
楓溪左右圖書嘯咏自適晚除 順陵參奉以勞陞  
原職旋因微眚罷後再除又丁憂執喪過哀憫宗孫  
貧弱自營祠屋置祭田及吉或勸之仕則愀然曰毛

義奉檄之喜豈非以親在耶公服爲偷兒竊去笑曰  
田翁安用此爲己卯科獄公文亦在換中亦不以屑  
意公少時在打愚側拜尤菴先生先生誦勉齋真實  
刻苦語勉之公終身不忘手不釋卷尤好易朱子書  
座右揭古人格言以自警平居無疾言遽色與人寬  
和一見可知爲重厚長者也生於乙未五月二日  
卒於戊子某月某日令人幼習禮教溫恭端淑克盡  
婦道打愚先生禍時每日涕泣禱天痛宗事無主土  
書 駕前乞以族兄晚慶爲後 肅廟憐而許之令  
人曰我死無恨矣後公四年辛卯卒年五十八舉二

陽春先生集卷三十八  
男鐵根生員璞根鐵根以文名又不第而死有男得性得運季爲璞根後璞根將樹表墓前以鐵根狀屬文於余余打愚先生之從孫也

正郎閔公墓表

朱夫子嘗編小學書於兄弟之倫則取庾袞事以實之蓋以其能盡急難之義而歲寒松柏之喻亦不爲過耳此事在昔猶難况於今乎余於近世得一人焉閔兄師魯是已公左議政文忠公諱鼎重之孫右議政文孝公諱鎮長之子判書南公二星其外祖也公兄弟五人皆英秀當門戶隆赫之時一世莫不艷稱

及文孝公卒叔季相繼短折獨公與判官公啓洙在疾病死喪之際咸盡其憂憾而於最季之疾也尤著至行醫云尸蟲可以已疾又曰貓蛇肉亦可是皆人不能近口者而輒先嘗之移家僦寓於其傍坐臥轉側親自扶持以至唾洩溲溺不以委諸僮僕夜則與仲交拳扣股達曙而不知疲時當大寒就冽井濯沐露立禱北辰如是者屢及喪慟割若無生其還西邑也抱遺衣以行每朔與家人設奠而哭之余嘗觀於病側至愛懇惻雖孝子於親未或過也彼疫癘之不能相染固異矣而其哀死撫生特十旬餘耳公則八

年如一日豈不尤難乎哉是蓋源於因心之德而實則孝之推也觀乎此而其事親可知已公諱在洙師魯其字肅宗己丑蔭補內侍教官辛卯司馬尋遷司僕寺主簿入戶曹爲佐郎正郎奉職恪勤出爲文化縣令爲治寬恕民懷其惠居五載引疾歸都下以戊戌五月十三日卒年五十一公之先出黃驪而族葬多在其地公亦葬於求富谷去文忠公墓幾里前後配並祔達城徐氏領議政文重之女舉一男一女百男郡守壻曰金燮漆原尹氏佐郎興績之女百能及女適金教行者其出也百男男克烈女爲宋集中

妻長婿之子翼均載均德均百能男及季婿二子幼公爲人慈良介潔居家未嘗有子弟之過篤於睦嫻信於朋舊周急恤窮曲盡其情以內舅宅兆不吉竭力移奉又畜其子而教之學亦人所難及也平居淨埽室堂百物整敕性嗜書不曾一日釋卷酒戶甚寬人不見其醉嘗曰山水間結一精廬積書千卷偃仰觴咏于其中以終餘年足矣此可以觀公志尚也吾外氏家法甚正爲士大夫楷範而曰忠曰孝斯皆人道之大經究其所自蓋一以小學爲準嗚呼休哉余旣爲公兩世之銘而於公又特揭友于之行使後之

降者先生集卷三十八  
人知公能業其家而爲子孫者宜亦世世保守而勿  
失云爾

靈原君墓表

今 上戊申春命選宗臣孝行卓殊者靈原君臣櫛  
生七歲父光平君溟疾病輒拜天祈命事母申氏恒  
柔色婉容事無巨細必稟不敢私其財務順適其意  
母患痢衣不解帶涕泣嘗糞鬚髮盡白及喪毀甚月  
省墓不以大寒盛暑而或廢每祭躬視烹飪以致其  
誠至老愈不懈宗簿寺以聞 上嘉之特授嘉德階  
越三歲卒年六十二 上傷悼庀喪甚厚公字文叔

宣祖昭敬大王四世孫也光平之考曰海寧君伋祖  
曰仁城君珙申氏系高靈宣教郎善浩之女參判濡  
之孫公己酉生始授守陞正又陞都正又陞君別職  
司饗院副提調都摠府副摠管都摠管其爲宗親府  
有司堂上 特恩也 宣廟嘗辨宗系 皇朝人馬  
維銘有賀詩 宣廟和之 命諸臣賡公得其寫本  
以進 肅廟命刊布嶺南僧自言寺藏德興大院君  
影子公承 命往審核其詐以還 上以公善飲內  
集日特賜大銀盆子益炯爲信川守爲設宴用賜盆  
行酒上箋謝一世榮之卒之翼年益炯將樹表於其

隋書先生集卷三十八  
墓請繹爲文竊惟自古貴介公子類以聲色狗馬爲  
娛公則謹慎自守又能以孝聞以承天休寵以貢我  
聖朝敦親尚倫之治是宜揭之泉隧而不泐其細可  
略也公凡三娶二男三女益炯及爲參奉崔成大妻  
者許氏出金聖根妻吳氏出益焜南殷老妻丁氏出  
墓在松京南衣洞許氏吳氏附皆 贈郡夫人云

判官閔公墓表

驪興閔公啓洙左議政文忠公諱鼎重之孫右議政  
文孝公諱鎮長之子公兄弟五人兩弟蚤死最季亦  
違危疾公與兄正郎公左右扶護窮晝夜不懈或過

家不入又作聲樂奇巧以娛其心志雖子孝母慈未  
或過之若是者八年弟竟死人曰有兄如此胡天之  
不仁哉文忠忠文孝公則以友可謂能子能孫矣  
公幼有英氣酷肖文忠公冠文谷金公壽恆字之曰  
聖源歸以其子忠獻公昌集女己巳禍文忠公謫西  
塞以卒文孝公扶櫬歸公時尚少爲綜理庶事無毫  
髮遺公宜達而室晚筮仕繕工監役義禁府都事宰  
瑞興六年其治善爬櫛濟以寬平再爲掌樂院主簿  
敦寧府判官年五十庚子五月五日卒葬于楊州陶  
山坐與之原男百朋二女教官趙謙彬士人鄭志翼

陶菴先生集卷三十八  
公爲人豈弟安詳自少習於禮每一家吉凶大事輒  
委公於細物必究其妙以至陰陽方技靡不略通爲  
樂官手正訛音老樂師莫能難平居無聲色加人人  
有失懇惻曉誨於僕隸亦然曲盡人情窮者以爲歸  
死或與以棺病則濟之藥在縣境多宗人招集與宴  
且蠲其賤役外祖南尚書二星旣卒門戶零替公爲  
請其易名捐數百金延 恩又爲亡舅擇地而改葬  
焉皆人所難能也晚年正郎公又逝公益惻獨痛傷  
欲無生及哭鄭氏女能夷然理遣嗚呼世之人視父  
母之子不若己子者獨何哉公歿時百朋未冠旣長

能草公事行謁文於余余少從公兄弟遊公又辱與  
同研今存者獨余而亦病且衰矣旣以自悲且喜公  
有子略叙此俾刻于碑陰云



Faint, illegible text visible through the paper from the reverse side, appearing as light blue or greyish ghosting.



